

## A sũaga thu om

Sl.no.	Thupui	phêk
1.	Pathian chungchâng	01
2.	Thilsiam chungchâng	03
3.	Mihriamin Pathian ahawi dân	05
4.	Pathian a midam inthumka	07
5.	Mihriam chungchâng	09
6.	Mihriam chu Pathian thu neina ai awpu	11
7.	Sual thu	13
8.	Suala inlir	15
9.	Pathian enkâina thu	17
10.	Mihriam Pathian laka helna	19
11.	Pathian ƣi	21
12.	Pathian sandamna	23
13.	Sandamna lampui	25
14.	Ringna thu	27
15.	Thiam inching tirna	29
16.	Pathian naia siam	31
17.	Rithla Inthiang thu	33
18.	Rithla Inthiang sinthaw	35
19.	Rithla Inthiang changna hrang hrang	37
20.	Koihran thu	39
21.	Koina thu	41
22.	Taksa inhlânna	43
23.	Thianginhlimna	45
24.	Kristian hei tuarna	47
25.	Khovêl thlir dân	49
26.	Ringomna	51
27.	Rongbawlna	53
28.	Ningthikna	55
29.	Tongbâi	57
30.	Thu awina	59

## Appendix

1.	Palm Sunday	73
2.	Easter Sunday	
3.	Penticost Sunday	
4.	Khovêl pumpuia Sunday school ni	
5.		

## ZIRLÂI 1-NA

### PATHIAN CHUNGCHÂNG

**Bible châng siar đing:** Matt.22:34-40; Luka 10:25-37

**Thuvong:** “Pathian chu Rithla achang. Ama biakhei chun, rithla nih thu taka an biak ding achang”. John 4:24

Tiana Darlong Pi nih Pu chun, Pathian khatka om hi an ring ve homin, Pathian an hawia an biak châng hin, chungga Pathian, hnuaia Pathian tiin an koi ƣin. An ni ngai ve dân chun, chungga hin Pathian khatka chai omin an ringa ma chungga Pathian khatka om hnuaia chun Pathian dang dang rinênga i omin an ruat. Maleiachun chungga Pathian hnuaia Pathian ti a, ani

ikoi thin achang. Chunga Pathian ompu hi chun, thawtheilo nei loi, ipai thawthei ritin snin ngsi. Mihriam chung a zangaina nei tak changing an ruat. Hnuaia Pathian om hei hin rochu, thawthei tawk chin nei thaw their it chang loi, chun hnuaia Pathian an iti hei hi chu khatka chai hom changloi, Pathian hrang hrang changing anin ngai, hnuaia Pathian om hei hi chun, mihriam chung a zangaina nei hnengin, mihriam chung a lung changloina nei tam awi, an chung a tuarna hrang hrang inthlung tir awi, zangaina bawi, inthlai iṭulin an ruat. Ama rochu, hnuaia a Pathian ṭongloi chun mihriam zena chung a Pathian biak thiamin an ring naw a, hnuaia Pathian om hei chun, chung a Pathian chu anun zawmpui in anin ngai.

1. Pathian chungchânga Bible hril dân: Bible hril dân a inthawka Kristian hein Pathian an hawi dân chu, Pathian hi khatka ipai siampu, ipaia thuneina nei, rithla mihriam mit hmuthei chang loi. Om ṭan hun chuang nei loi, tawtik hun hom nei loi! Chatuan ahong om tâk, chatuan ala om ding. Vârna inthûk tak nei, zangaina nei, dikloi inhua, tik lai paia om thin. Ṭatna tawp khawka ṭatna nei. Om thiam loina reng nei loi! Om loi hun hom om loi, om mai mai Pathian achang.

### **PATHIAN MIZIA**

2. Pathian chu sia nih ṭha ngaituana nei mi achang: Dit dân nei, dit loi dân inei, awi dân nih awi loi dân inei. Mihriam lungril sung ngaituana hawi rit nih hmu rit thiam, Mihriam lungrila mihriam thil tum nei ihawi rit. Pathian mit hmu achun mihriam chu, satling nih inhong sai rita om. Thilṭha nih thianginthima thaw hi apom dân chu achang. Roirêlna hun thlung hma a, misual miṭha thliarna nei loia, mitin chung a iṭha achang. (Heb.4:12-13)

3. Pathian achangna (attributes of God): Pathian hi imaw achang a inkan a om? Ti ngaituanain, Pathian changna chu thu inhnika (2) ṭheinin sut thia achang.

#### **A. A piang phung changna (Natural Attributes):**

- i) Pathian chu hmun tina iom thei(omni present)
- ii) Pathian chu ipai hawi. (Om ni scient)
- iii) Pathia chu ipai thaw thei. (omni potent)
- iv) Pathian chu chatuan Pathian. (Eternal)

Piang phung changna anei, ma inlika (4) tia ahin khatka ti homa indanglam thiam loi, an danglam achangchun, Pathian achangna athling loi ding achang.

#### **B. A ṭhatna lam (Moral Attributes):**

- i) Pathian hmangaina. (His love)
- ii) Pathian thianginhlimna. (His Holiness)
- iii) Pathian fena. (His righteousness)
- iv) Pathian dikna. (His justice)

A Pathian nun zia inlika ti ahin, ama awi dân chung a innghat a awi chun, ma nun hi inpu thei (neithe) a awin aw chun inpu loi om thiam achang.

Vantirkoi nih mihriam ho mama Pathian ṭatna nun hi inpu ve thiam achang.

### **ZAWNA**

1. Pathianin i angka ṭhatnamo anei 4ka hril ro?
2. Pathian piang phung chang 4ka hril ro?
3. Kristian hei Pathian hawi dân hril ro?

### **ZIRLÂI 2-NA**

### **THILSIAM CHUNGCHÂNG**

### **Bible châng siarding: John 1:1-3**

**Thuvong:** “Leilung nih a sunga thil siam om kapai hi Lalpa ta achang, khovêl nihasunga om kapai rêk”. Sam 24:1

Thilsiam chung chang ahin, mihriam ngaitua dân ên ton ngot chun ngaidân anhmu thiam naw. Sakhua ngaitua tuhei ngaitua dân hom an hmu thiam rit naw. Thiamna nih vârna insâng (Science mithiam) seng seng thil sut dân homin an hmu thiam chuan gnaw. Mivâr thenka chun a siampu tumo chang iomin an ringa, mi vâpuhei mo chang chun, a siampu bîk omloi, aman a inseam suak changing an ring. Kristian hei (Bible ringpu) laia chun, ngaidân nih pom dân hrang hrang loiin Bible-a an tia dân hin an pom.

1. French mithiam Lap lace-an kum 1766 hun lai vela thil siam chungchang aloi sût ve dân chun, ani chun ni sungkua om dân hi a sut uar bîka, ani hril fia ve dân chu chun ni sungkua sunga khin atir chun “meikhu angka pawl dung ka om khawm thil a oma, ma thil chu “Thil thawtheina” (Electron) thil achang. Ma thil oma chun hmaw loi, hmaw loin an ting khawma, an ting khawm ahong tam dân angkan achâng thei dân chu arang dap dapa. Mangka ahong rang hnung chun meikhû thenka chu anin zama, alaina a an ting khawmna han rochu alian tira apana. Ma alaina a anting khawm lianpu chu nî khi achang. Adang alaina a inting ve loi a, danga meikhû in zama hei han rochu, ni kawl a arsi kua ka (solar system) a chang ati a. Mivâr dang dang tamka homin an pompui a, theology mi thenkan homin Evolutionary theory hi, inka tawk mo chang chu an pom pui ve a. Nebular Hypothesis hi chu, Pathian sinthaw a chang an ti.

**2. Bible hril dân:** Pathian lekhabu: Pathian lekhabu (Bible) chun “Atirin Pathianin rinêng nih rivân a siama” tiin ahril tawpa. “Rinêng nih Rivân” a iti hin thil dang dang hom an huam sa tir rit a. Mangkata ahong chang theina san chu, a siampu siam dân achang thu, atâr lang sa nghal achang.

Bible hril dana thil hongin lang Chiang om achu mahei hi an chang.

- i) Rinêng nih rivân hi nom tan ni an nei lei ahin chatuan thil an chang loi thu ahril Chiang.
- ii) Thilthaw om sai a inthoka siam achang naw a, thil omloi a inthoka siam achang atâr lang.
- iii) Siamloi thei loi achang leia, a siam achang naw a, adit leia asiam zawk achang ti ane hril fia. Thupuang 4:11 achun, “Nangin ipai ni siama ne dit leia om nih siam an chang nghet” ati. Kol 1:16 achun, “ipai ama isiam achang, Ama ta ding hrim asiam achang” ati. Sam 33:6 achun “Lalpa thu in rivân chu siama change, asunga om kapai hom hi ama rithuak a thli suak isiam achang” ati.

**3. Ama roiinpuina dinga siam:** Pathianin rinêng nih rivân hi siam naw hom siala ama ding chun an hengna ding a om naw. Changrochu ama angpuia mihriama siam hei hin a thatzia nih a hmangaina inthûk zia a thlum zia an hoi fia theina ding. Manmasi chu ama roiinpui tir thei dinga isiam anchang. Mihriam om loa thil siam dang om ngot chun Pathian roiinpuina atâr lang chel naw, “Rinêng nih rivân” tia koi ni, sungkua chai dek hi chu, mihriam ta ding hrima siam a om achang.

#### **ZAWNA**

1. *Rinêng nih rivân boi ding thu inkan anhawi thiam?*
2. *Bible hril danin nih rivân tu isiam mo?*
3. *Thilsiam kapai hi tu thua siam mo an chang?*
4. *Rinêng nih rivân hi idinga siam mo?*

#### **ZIRLÂI 3-NA**

#### **MIHRIAMIN PATHIAN AHAWI TAWK**

**Bible châng siarding:** Matt.22:34-40; Luka 10:25-37

Thuvong:

**1. Pathian chu khatka:** (Marka 12:31) Pathian ngaitua thiam tawka mihriam chun Pathian hi tam awm dingin anring naw. Sakhua dang dang in zirtirhei homin Pathian khatka achang thu hi anin zirtir ve. Changrochu mihriam ngaituana nih suangintuana ngawt a Pathian changna hi mihriamin a ngaitua suak zoi naw leiin, an buai. Pathian lekhabu “Bible” ringpuhei hin ro chu, an buai naw. Bible hril dân anring leia. Bible hril dân chun, Pathian khatka a om. Ma Pathian khatka ti achun, mi dam inthumka, Pa, Nâipa nih Rithla Inthiang an omin ahril. Bible zirtirna pom hei Kristianhei chun, machu Pathian khatka om an ring dân achang. Ma Pathian midam inhumka om chu, sinthaw theina hrang hrang nei anchang.

**2. Pathian rihming:** Bible hril dânin Pathian rihming tamka a om, ma rihming ka lai achun rihming thenka chai hril ei ti:

I. EL: Hebrai heiin Pathian rihming an inlam tam chem achang. EL, ti a inthawka rihming an iching thin dân nih an inkawk tir thin chu Elohim- Pathian Lal chem. EL-Elyon- Pathian chunginung chem. EL, Saddai-Pathian ipai thaw thei. EL olam-chatuan Pathian, mangkata rihming hrang hrang ahong suak thiamna ding tong khatka abul an inei chu EL ti aloi chang.

II. JEHOVA: Jehova ti tongbâi anching thiamna hmun chu, Pathian danginlam ngai loi, an ti awina hmun ahin Jehova rihming hi an ching chem thin. Hebrai heiin ziaka anin zia dân chun YHWH (Yahweh) ti hin anin zia thin. Ma rihming hi an ching ngam thin no lei achun, athleng ‘Adonai’ tiin an koi thin. ‘Adonai’ ti chu ki Lalpa (My Lord) tiin anin lam thin.

III. Sipai hei Lalpa (the Lord of Hosts): Pathian hrât fê, vengpu nih sansuakpu tina tiang an hmang. Samuel a lekhabu ziaka inthawka Zawnei hei hun ariin ma rihming hi anin lam thin.

IV. A bul nih a tawp: Pathian chu ipai a dangina bul nih a tawp achang. (Alpha nih Omega) Thupuang 22:13; Greekhei Alphabet achun Alpha chu Horopbul achange, Omega chu horop tawp, a mongna chem achang.

ZAWNA

1. Pathian rihming hrang hrang 3ka hril ro?
2. Kristianhei Pathian ring dân hril ro?

**ZIRLÂI 4-NA**

**PATHIAN A MI DAM INTHUMKA (TRINITY)**

**Bible châng siarding:** Johana 14:9-17

**Thuvong:** “Pathian chu Rithla achange, ama chibai bûk awihei chun, Rithla nih Thutaka an bûk ding achang”. Johana 4:24

Pathian midam inthumka om thu hi, Kristian thu ring poimaw fê laia mi achang. Thu Thlung Thar Kristian ințan hun lai vêl achun koihranhei ibuaipui chem thu achang. A.D. 300 hun laia mihriam loi omhei lai nghal a Pathian a midam inthumka an thil thaw thei dân in ang an roiinpuina in ang, changna inten thlang tiang mi inthumka chu pumka ichanga inthumka nghal khatka change inngai thei awm hi, Pathian inmakna achang. Kum zabi-3na han mi khatka Savellius-an iti chun Thuthung Hlui hun lain pa angka ichangin sin athaw a, Thu Thlung Thar huna chun Nâipa angka hong chang. A huna dinga Rithla Inthiang ahong chang hi ama Pathian khatka nâi hi achang, tiin a hril fia a, Bible inzirtirna rêka kawkal leiin an hnawl thlak a, Bible chun Chiang vaikan Pathian a mi dam om inthumka chu Pa, Nâipa nih

Rithla Inthiang pumka an chang thu hril achang angka ma midam inthumka inthen hrangna hi Bible a hmu a om naw.

### **1. Pa, Nâipa, Rithla Inthiang khatka achang alangna Bible chang thenka:**

I. Gen. 1:26 achun, Pathianin ei angpuiin, ei mani angpui thapin mihriam siam eila, atina tongbâi a oma, Bible châng dang thenka ti homa, kin ti nih ei ti tongbâi hmang achang. Ten mo chang chun, Pathian a midam inthumka om a hnem nghetin a om.

II. Pathianin khovêl a siam lai han Pathian mi dam inthumka om hi an lang tuihning fê chung chu Pathian rithla chun a op rêta ti thu nih Thu (Logos-tisa hong chang) hmanga khovêl a siam achang thin ei hmu.

III. Pathian rihming anin lam dana inthawkin: ELOHIM tia Pathian rihming an iching thin hi, khatka chai changloi, khatka hnenga tam anin lamna achang. ELOHIM an ti hin Pathian a midam dang om âhrl fia.

### **Thuthlung Thar a alangna:**

I. Isua piang hun lain Pathianin thu a pêka, Rithla Inthiangin Mari chu an rai tira, Nâipa Isua Krista chu ahong piang. Ma hin pathian a midam inthumka om chungchang chu Chiang vâikan ahrl. Luka 1:30-35

II. Isua Baptisma achang laia tui a inthoka a suak han, Vaṭhu angka alu chung Rithla Inthiang ahong fû. Chung tianga inthokin Pathianin nang ki Nâipa dit tak nê chang, ti tongbâi ahong. Marka 1:9-11

III. Isua inzirtirna tongbâi suaka inthok hom hin, Pathian a midam inthumka om thu hi a tarlang sa thin.

Kipa, ti nih Pa ti a akoi hin, Rithla Inthiang/thlamuangtu etc itiin ahrl thin. Johana 14:11

### **ZAWNA**

1. *Pathian a midam inthumka rihming hril ro?*
2. *Thuthlung thar huna Pathian a midam inthumka sinthaw chi hrang inhnika hril ro?*

### **ZIRLÂI 5-NA**

#### **MIHRIAM CHUNGCHANG (ANTHROPOLOGY)**

**Bible châng siarding:** Genesis 1:26-27; 2:7

**Thuvong:** “Ani chun a thunga, an hniang An mani siampu han ipa nih nupang asiam achang tin in siar thin naw mo? Ati a. Matt.19:4

Mihriam (Human) chungchang lungkhamhei ding chun lu inhâi a ngaitua inngai hawi Chiang intak tamka a om. Ama rochu Bible zirtir dân poma ring zawi tuhei ding chun khovêl a mihriam hong om dân innep fê achang. Genesis 1:26-27 achun, Pathianin “Ei angpuiin mihriam siam eila, eimani angpui thapin” ati a. Kachun ama angpuiin mihriam siama, Pathian angpui thapa siam achang. Ipa nih nupang siam chang ati a, Genesis 2:7 achun, Lalpa Pathianin Rinêng pil vutin mihriam a siama. “Ahnâra dâmna rithuak ânthuak khuma, mangka chun mihriam chu mi dam ahong chang”, tiin ahrla. Genesis 2:15,16 achun mihriam chu aṭhuia rihuan enkâi ding nih a vêng dingin rihuana a sia. Pathian chun mihriam cu ahrla, rihuana thing rai hi nin idu du nin fâ thei ati a. mahi mihriam chung chang Bible a alng dân chu achang.

**1. Bible ringloi mihei ti dân:** Bible ringloi miheiin, Rinêng mihriam hong om dân hi, Rinêng in nunna chi hrang hrang asua angka rinêngin an isua ve mai changing an ring. Pathian isiam chang homin an ring no. Pantheist, an iti hei chun thil ipai hi Pathian in angpui, Pathian angka an ingai chu; nunna pepu ân dampu changin an ring. Greek mi vâ “Epi kuri” an itihe ha mangka mi chu an chang Tirkoihei Sin 17:18, 1839 vêla England mithiam Charles Darwina an iti chun, mihriam hi zawng (Monkey) a inthawka in piangin ahrila. (Evolutionary theory) hi Bible zirtirna rêk an pom thiam naw leia pom thiam achang no.

2. Bible ring miheiin, mihriam inpiang an ring dân chun, mihriam chu Pathianin ama angpui a asiam. Thilsiam danghei hnenga achunginnung theina san hom hi, Pathian angpui a siam achang lei achang. Pathian angpui ei ti hin, Pathian “Thluk” tina rochu achang no. Pathian rêka in pawl thiam, Pathian rêka insawn thiam, Pathian lungril inṭawmpui thiam, Pathian nun inṭawmpui tina achang zawk.

**3. Pathianin mihriam asiam dân:** Pathianin ama angpuia mihriam asiam baka chun nupang nih ipa asiam anchang. Genesis 1:27, Ipa nih Nupang asiamna san chu i) Pathianin ipa mânkhât chaia om hi ṭha ati naw Genesis 1:18, ii) Mihriam chi inthla apung dingin Genesis 1:28, iii) Tisa nih Rithla lama pumka changna, Pathian mi, nâi ṭatak nei dingin. Marka 2:15

**4. Mihriam chu bul hmunka inthawka inseam suak rit achang:** Tirkoi 17:26, khovêl pumpui lua sipa mihriam hi thisen hmunka a inthawka piang hli anchang. Ramtin, kultin ami, mi ngoi mi vom, mi vâ mi inthlaw, misual mi ṭha bul hmunka rit anchang. Tuhom hmu lian ding nih hmu hniam ding an om naw. Pathian khatka a inthawka thisen hmunka hli an chang.

**5. Mihriam tawp dân ding Bible hril dân:** A siampu Pathian chun ama angpui a, mihriam asiam achang leiin, Pathianin nun tawp loi nun anei vê. Maleiachun, ama lungril inpu mihriam chun Pathian rama chatuan nun neiin om ati. Ama lungril inṭawmpui loi chu, chatuan hremhmun mei dila tawp ati. Daniela 12:1-3

#### ZAWNA

1. *Mihriam hi tu angpui asiam mo achang?*
2. *Bible ring miheiin inkanmo, mihriam hong piang dân an ring vê?*
3. *Mihriam tawp dân ding hril ro?*

#### ZIRLÂI 6-NA

##### MIHRIAM CHU PATHIAN THU NEINA AI ANPU

**Bible châng siarding:** Genesis 1:26, 28; 2:15

**Thuvong:** “Zing hnuai in êng dinga thu pepu Pathian chun kin lungril a hong kâp êng ta, Isua hmêlma Pathian roinpuina hawina êng thu inlang tir dingin”.

Rinêng nih Rivân thu neipu chem i om chu Pathian achang. Ani chun mihriam mita hmu thei thil nih hmu theiloi thil ari a siampu Pathian achang. Rinêng nih Rivân sunga thil om kapai hi a thuneina asiam an chang. Tuifinriat nih a sunga a om kapai hi athu a om anchang. Mangka khopa thuneina nei Pathian chun, “Ama angpui a mihriam asiam” hniang achun thuneina pe rita, mihriam chun Pathian thuneina hnuai. Ama thu awi a thu neipu asiam hi, a Pathian chatuan thil tum achang. Pathianin mihriam mangka khopa thu neina insâng apêkna san hi, “Mihriam” ama angpuia a siam atipui chang ve a awi a, aring ngam leia achang. Changrochu mihriamin Pathian thu awi hnengin hmêlmapa Setana thu a awi zawk leia chun, mihriam chu sual thu neina hnuai omin, Pathian thu chu adoipu nih an hnarpuin a om ta zawk.

**1. Thuneina inchû:** Mângkata mihriamin Pathian thu awi loa, ama (Mihriam) thu neina hmanga awina hong piang suaka Setana thu awia a om tak hnung chun Setana thu neina sunga khumin a om. Mangka chun ahong chang leiachun, Thuneipu khatka chang thin hi thuneipu mi inthumka (3) an chang ta.

I) Pathian, II) Setana, III) Mihriam anchang.

Manmasi mangka hmuna athlâk hnung chun lungril buainain a sip achang. Mihriam dit thlang thiamna anei hmangin achunga thu neipu ding chu aman athlang suak ding achang ta. A awi chun Pathian thu hnuai a om thlang a ti a, a awi chun Setana thu hnuai a om thlang ati. Tu thu neina hom hmang loin ama thu neina hmang homin a om thei. Mangkachun thu neina chu mi inthumka laia inchû in a om.

**2. Lal Soula chun thuneipu ahawi naw:** I Samuela 15:1-3, Israel mihei thiampu enkawlina (thuneina) hnuai a om an awi tâk naw hnugnin, Lal an hni a, Israelhei chun an lal ram chu an ding suak theina dingin Pathian chun thuneipu a ruat pêk aţûl ta a... Soula chu an lal hmasak chema dingin sahriak a chûla. An hmêlma Amaleka hnam chu that rit ding thu apêka, mihriam a sen amer that rit ding thu nih an ramva hom zua loa that rit dinga thu apêk adongna hmun achun Lal Soula chu an Lal Agaga nih Kel nih Bera laia athâi thâi zuain an damin ahong hman. Pathianin thu apêk dânin athaw naw lei achun, Soula thu neipu Pathian hawi loi ama thuneina ahmang leia; alal changna apai thlâka, a thlengin Davida Israel Lal chang dingin sahriak a bua nawk.

**3. David achun thuneipu ahawi:** Lal Soula chu a lal thuneina paithlâk achang tak homin Lal thut hmun ala lua vû a. Davida chu lal chang dinga sahriak inchûl achang tâk homin, Lal thut hmun ala lua naw. Mângkata thu a om sung chun, Lal Soula chun a lal thut hmun inpamin Davida a that atum. Changrochu, Davida chu Pathian thuneina hawiin Lal aruatpuin Lal thut hmun anluatir zoi hmaka chu, Lal thuthmun lua nghak hmawin Lal Soula chung a kut inthla a tum no. Davida chun athuneina a lal thut hmun lua a awi naw. Thuneipu thuneina hmangin Lal thut hmun lua a awi. Pathian thuneina hmu dikpu chun, Pathian ti dân athiam a Pathian thuneina ai awipu, mihriam thuneina hnuai a om ân tulut awi thin. Mihriamin Pathian thuneina ahmu dik nawchun, mihriama Pathian thuneina hnuai a om tulut awi thin naw.

ZAWNA

1. *Thuneina kapai neipu tumo achang?*
2. *Tuhei hei mo Pathian thuneina ai awpu anchang?*
3. *Israelhei Lal soula inkan a thuneina ahmang sual?*

**ZIRLÂI 7-NA**

**SUAL THU (ABOUT SIN)**

**Bible châng siarding:** Isaia 14:12-13

**Thuvong:** “Sual hman chu thina achang. Pathian thilpêk rochu ei Lalpa Krista zâra chatuan nunna achang”. M 6:23

Mihriam phot chun sual hi a om ren a hawina nih pomna nei pâk achang. Sual hrim hrim hi aţha loi tiang nih adik loi tiang, afel loina tiang achang a hawi pak hom achang. Misual chang hom hi tu homin an awi naw. Misual chang mai chungin miin misual change an ne ngai chun an haw loi tuhom an om no. Nâite piang sawng rihming thar sakna homa, sual lampang inpu rihming reng reng tuhomin anin chawi ngai naw. Mitinin sual chu tenom (intir om) changing ei ruat pak achang. Milêm inzia thiam milêm ziak homa sual tiang phot chu hmelsia, ivom, ibal hmel inpuin an ziak thin. Ama rochu, Pathian lekhabu Bible chun, mi kapai hi misual hlir changing ahril lein, nang hom ne chang vê. Rom 3:10-18

**1. Sual inpiang suakna bul:** Mihriam chang zongin, sual iom rena ei pom thiam homin inkata inpiang mo? Itik huna om tak mo? Amâna inseam mo? Asiampu om mo? Mangka tianga ngaitua chun thu Chiang tuhomin anhril thiam naw. Sual bul chema Bible a alang dân chun Vantirkoi laia achunginnung chem Lucifara inthawka inpiang suak changin anlang. Lucifar achu Pathian ipêk a roinpuina chu tawk ti loin, Pathiang chung daia om awina lungril chapoi a neina a inthawka a Pathianin a paithlâk changing anlang. Mathu chu ei sual inpuang suakna hi, inchapoina lungril a inthawka a chang ânti thiam. Paula homin koihran hruaipu chu ring thar mi chang loi ding a chang naw chun, chapoina suala tâng ati, ati vê I Timothy 3:6. Maleiachun sual hi lung awi loina a inthawka, helna nih chapoina a inthawka a suak a changin an lang.

**2. Sual mizia:** Mihriam lai achun sual nih sual loi thu hi an thliar thla thiam tak tak naw. Alei chu mihriam lai achun sual a thliar thla thiam naw. Eden rihuana sual a han Evi chun sual a chang nih a changloi a thliar thla thiam naw. Nin mit vâv ati a Pathian angkan om ninti; iti tongbâi chun Evi sia nih tha hawina chu an buai tir chun Evi in rûl thu pêk awi a ansual hnunga Adama hnianga theira fâ ve dinga a zawm lai han, Adama Evi ha sual mizia inpu an chang athliar thiam naw. Pathian rochu sual nei loi, Pathian a chang leia sual mizia chu a hawiin a thliar thla thiam. Maleia chun Pathian chun Eden rihuana inthok chun misual ichang mihriam chu an hnot suak. Nakan homa Pathian chun sual roi chu la rêl ati a, la paithla lê ati.

**3. Helna sual:** Hebraihei chun “PESA” an ti a, ma chu Pathian laka hel an tina a chang. Sual changna mizia lang suakna chu hel hi a chang. Mihriam chun Pathian thupêk awi loin a helna, sual a chang. Thupuang 12:7; Gen 3:2-6

**4. Mâni inhmu sangna sual:** Eden rihuana mihriam om chun Pathian thlûka om awi na leiin, theira chu tui êm êm chi changin ahmu a, afâ ta a chang. (Gen 3:4-6)

5. Emil Brunnera chun (sin is dethroning God an enthroning self at the center of one’s life) sual chu Pathian inlalna paithla a, mâni lal a inseam hi a chang ati.

#### ZAWNA

1. *Eden rihuana Evi sualna anlir theina san hril ro?*
2. *Helna hi tu mizia mo a chang?*
3. *Lucifara hi tumo a chang?*

#### ZIRLÂI 8-NA SUALA INLIRNA

Bible châng siarding: Genesis 3:1-19

**Thuvong:** “Bera boi angkan ke vâk boia, Ni siahlaw zong ro; ni thupêk hei chun le ken hnîl ngai naw a”. Sam 119:176

Sual thu a, thil konginhnikan ngaitua thiamin a om i) Khov6el hmun tina thil ipai afamkim thîn loina leia buaina inpiang mi tuarna, thina hial hom piang thiam sualna.

ii) Lungril thât loina a inthawka suak sualna. Pathian dân doidâlna lam Pathian lungril inṭawmpui loi sual. Pathian i awi doidâln lam sual. Mangka sualna lama Hla phuapu chun, Tisa in rithla a doi thina, achâng changing an ngam thîn, Van thil hlu hong ding achu thlemna fawnin chim buai ati. Pathian lekhabu chun vâv ki siama zîng hom ke kên om tir a. Mal ki sawma, vanduaina kên thlung tir sa a. Mangkahei chu ke Lalpa hin ki thaw a chang. Isaia 45:7

**1. Sia nih tha hawina sual:** Mihriam sia nih tha hawina hi (conscience) om hi poimaw êm êm. Bible thuthlung thar ngot homa voi 30 a chuangchel. Ma mihriama sia nih tha hawina hneng hin Pathian dit salam nih hûat salam chu hawi suak thiam achang. (Rom 2:15; Ikor 8:7) Tirkoi 23:1; 24:16. Mihriamin Pathian laka an sualna chem hom, sia nih tha thliar hrangna sual achang. Mihriamin sia nih tha hawina theira a fâk hma chun, Pathianin tha ati ha tha ati vê a, Pathianin tha loi ati chu tha loi ati ve thin. Thingra a fâk hnung chain; Pathianin tha ati ha mihriam chun tha ti thiam loin a om. Matak hi achang Pathian nih mihriam anin then thiam takna. Pathian tianga sia nih tha hawina inthiang mihriam anei thin ha, sualna lei chun ti siat a om tak; Isua zara sia nih tha hawina inthiang nei an chang thei achang.

**2. Mihriam sualna an lir thu:** Pathianin mihriam hmasak-Evi nih Adama chu Eden Rihwana a sia a, Adama chu mihriam tina achanga, Rineng tina homa hmang thei achang. Evi ti chu thildam kapai nu tina achang. Evi nih Adam ti hin thil dam kapai nih mihriam kapai ai an aw chêlin a om. Pathianin fâk a khap thingra chu fâk itui êm êm hom hin ân lang tira. Setana rûl changing Eden rihuan a Setana chu ahonga, thingra chu fa dingin thu apêka, Evi chun rûl thu chu awiin a fâk a. Adama hom chu a nupangin thingra chu fa dinga apêk chun, Adama chun a fâka. Anin hni chun suala inlirin anhong om ta, Adama chu mi sual achang ta.

**3. Sualna chun mihriam kapai anfâng suak:** Evi nih Adama hi mihriam ai awpu an changna lei ringot insualna chung a mihriam ai an aw thei chuang no. Hnam tin nih mimal tin hi bul khatka chi (seed) khatka inpiang achang leiin, Evi nih Adama chithla mihriam kapai chu sualin an fang suak zawk achang. Rom 3:10;5:12

**4. Suala inlir apoi zia:** Mihriam sualna a ân lirin thu hi ngai nep mai mai thei chi achang naw. Pathian lungril a sunnat tawk nih thil siam dang kapai nih rinengin mihriam sualna leia ansia dong tawk ân hoi phak naw. Pathian khua thianglim sung chu ân buai tira, Pathian ngaituana lunfril inthiang chu a ti buai thin. Pathian chun lung natna bulin a hmangpui pha ta hial leiin, Mihriam ki siam hi kên thial ati ngoi ngoi achang.

#### ZAWNA

1. *Pathian dit salam nih ahuat salam mihriamin athliar thiamna hi imo achang?*
2. *Mihriam inka leiinmo suala anlir thei?*
3. *Mihriam insual leiin tu lungmo an nat tir?*
4. *Adama tina hi imo?*

#### ZIRLÂI 9-NA

#### PATHIAN EN KÂINA THU

**Bible châng siarding:** Matt. 11:25-28

**Thuvong:** “Tlânga va om kapai ki hawi rîta, ram sa hei hom kita anchang”. Sam 50:11

Darlong ulian thephung chun, Laikhin hin ritui a phuma, op loiin ama kekin ahong keka. Anaihei hom an kek kanin in, an mani in fâk an zong thin. Nâi nei ve thin nghal lai achun laikhin chun nâi enkâi loiin nâi an zawk vê an ti. Pathian rochu, a siampu achang baka a en kâipu a chawmpu, a lung khampu achang. Ma rinênga an om kâr sung mai chang loiin, rivân an rithla huna ri a enkâipu, venghimpu, chawmpu achang. Mihriam dinga Pathianin mophurna alak hi, a siam inthawka chatuan hun sung hi mophurna anei chu achang.

**1. Pathian chu athil siam enkâipu Pathian achang:** Mihriamin Pathian thu a awi tak naw a, ansual khal hnunga mihriam chung a alung a nat chiam chiam lai homin, sual inthawka sansuak an chang thei dân dîng ngaitua nih lungkham in a oma. Chatuan thina an thlung tak hnung homin chatuan nun apêk dân dîng a ngaitua in a lungkham achang. Athupêk awi loaia

ân sual khal hnung homin ân sualpu mihriam chung a ningthikna hnengin ân sualtirpu chung a ningthikna alian zawk.

**2. Pathian ninghikna:** Mihriamin Pathian thu awi loa a hel hnungin mihriam ngatuana sungintuana hrim hrim chu Pathian hmu dân insual hlir changin alang a. Mihriam asam chu poi a ti a, ân sîr a. Mihriam nih mihriam sualna leia thilsiam danghei se zoi rit tak chu innuai boi dingin tui an lian tir a. Changrochu a ngaituana khatka tiang chun mihriam ân boi rit chu a awi zoi no. Maleiachun ama denin asân dân ding lampui chu asam a. Nova mahun laia mifêl om hnianga tui lian laka insane thiamna rilong siam dingin aruat nawk. Kachun ma rilong hmang chun a mihriam siam nih thil siam dang omhei chu a sansuak nawk.

**3. Pathian chun sual nih tha a thliar:** Pathian chun a mihriam siam nih thilsiam danghei chu kalkhal ngai loiin, a enkâi rêt thin a. Enkawlpu chun sual nih tha thliarna om loa enkâi inthiam loiin ahmu leia, sual nih tha hmangin a thliara, thiltha thawhei mal a sawma, thilthaloi thawpuhei rochu a thunun in, a zil hal thin a, ahrem thin. Khovêl in enkolna dân tin reng hi a en zua, misualhei chu khûk tamka sung hom a hrem thin. Mifêlhei rochu, misualhei kâr homa a enkâiin a sansuak thin. Nova chu tui lian laka a sansuaka Lota chu sodom khua mei nih kat laka a sansuak.

ZAWNA

1. *Pathianin misual nih mi tha a enkâina a,*
  - A) *Mi tha chung a inkan roi a rêl thin?*
  - B) *Misual chung a inkan athaw thin?*
2. *Tu laka mihriam ahel?*

## ZIRLÂI 10-NA PATHIAN TI OM

**Bible châng siarding:** Deuteronomy 5:6-10

**Thuvong:** “Ane doina tiang nin oma, ki thu nin pom naw chun nin insual tawk let sariin nangni hrem keti”. Leviticus 26:21

Mi khatka mani inpâk thiam êm êm a oma, mi tuhom ki ti naw, Pathian hom ki ti chuang no, tia râl tha inti fê chun, mangka tongin puam athaw lâi matin khua hongin riin têt ahong tul chun, “Eih’ iti in alu ahup thaia, ahmel lang dana chun ti fê hmêl alanga, ahnianga achamhei om chun, tu hom ti ki nein aw Pathian tak hom ki ti naw ne ti a, têt tul than ki ti achang, midang thunei an om naw leia ati, anti.

**1. I dik Pathian achang:** Pathian hi hmangaina Pathian achanga ei hawi angka denin idik Pathianachangna hom hi hawi sa apoimaw. Fêl loi taka ithaw, mi hleprûkhei hi Pathian huat salam achang. Dik loi thaw ahmuingilna nei chu a thlawi sawt naw. Asan chu Pathian chu idik achang leia dik loina tiang chun mi a tangpui ngai thin naw. Zawnei Amosa chun, an that loina ahrem thin, sual poisak loi Pathianin ki chang naw a, sual poi tina nei ke chang ati. (Amosa 3:2)

**2. Pathian mithik sia achang:** Kei Lalpa pathian hi mithik sia ke chang, anpahei mihriam loina leia, an nâihe hrem thin. Anen haw hei khûk chu khûkin thum khûkin li ari a hrem thin ke chang. Ane hmangai leia ki thu zawmpu thin chu, sang tamka chunghom a khongaina inlang suaktir thin Pathian ke chang ati. Deut. 5:9

**3. Mei mi kâng râl hmang thin Pathian ke chang:** Mei sinthaw rapthlâk zia hi tuhom ahawi loi om loi an chang. Hebrai ziakpu chunk e dit loi salam a ompu hei dinga mi kâng râl thin mei ke chang ati. Hebrai 12:29.

Atak takin Pathian dit dân hawi mai ka zawm ve loipu ding chun Pathian chu mi kâng song me achang.

**4. Mi thu nun ðin Pathian ke chang:** Pathian chu mihriam loi hei thu nun ðin, an sin awi nawchun an boirâl puipha hial ðin achang. Adit loi salam thaw a zalen ding achang naw. Na vaika mi thunun mai ðin. Davida hom a dit loi danin Uria nupui a uire a Pathianin a insunga khandai an lang tir. Anâi hei hom anin that puipha hial achang. (Hebrai 12:5-6)

**5. Pathian dam kut aþanga inlir chu rapthlâk fê achang:** Pathian dam kuta ðul hi himna achangsa dên chungin, ahnianga inpê a, a dit dân thaw awi chuang loihei ding chun rapthlâk tak hom achang. Hebrai 10:31 akuta inpe a kalkhal nawk hi rapthlâk om thu achang. Anania nih anupui Saphirihei ruai chun an ram zuar hman aþhen an thupa aþhen an pêka, khêl ihrilin a rengkan kin pe zawi an ti chun an ruaiin an thi puipha achang. Tirkoiei sin 5:11.

ZAWNA

1. *Pathian hi i angka Pathian mo achang?*
2. *Pathianin tuhei mo athu nunna a indong ðin?*
3. *Pathian dam kut aþanga inlir hi imaw achang?*

## ZIRLÂI 11-NA

### PATHIAN SANDAMNA

**Bible châng siarding:** Ephesi 2:1-7

**Thuvong:** “Ringna leiin khongaina hmangin sandamna nin nei ta. Nang mani aþanga suak achang naw a, Pathian thilpêk chu achang zawk”. Ephesi 2:8

America rama Ram sung indoina (civil war) a om lain, Pastor khatka hi a inkol mi khatkan a hêk ahêk a, vâni hial hom a sâm khuma, Pastor pa chun thaw aw ding ahawi nghal no. Malaichun alet tianga pawl danga iþang rûk dingin an hawi leia an hman a. A roi an rêlna achun inkhai hlum ding thu achang. Ma thu chu Pastor pain ahawi chun ata dinga ngaidam hnipêk dingin km70ka pheiin akala, thuneipu hnianga mapa dingin ngaidam ava hni chun, ni ðianpa dinga ngaidam nen hnina pom thiam achang naw tiin thu neipuin aloi tunga. Ki ðian achang naw, ki hmelma lian chem achang ti ahriľfia chun, ni hmelma dinga ngaidam nen hnina chu pom achang tiin athung achang. Sandamna chungchang zirna dinga ahin Pathian sinthaw inmak zia hi hawi fia ngei dinga achang.

**1. Sandamna tawi bul:** Sandamna hong om theina bul chu, Pathian khongaina hi achang. Ringna leia khongaina sandam nin chang (Ephesi 2:8) misual na leia siatna hong thlung hi ngainep mai thei achang naw. Thil dittak achang leiin, khongaina chai ti loi chun sandam chang thei achang naw.

**2. Khongaina hril fiana:** Khongaina chu inphu loi, thlingna nei loi, a thlong vonga Pathianin ani pêk, anâipa nei sîn Isua Krista ahong inlang suak achang. Mangka khongaina chai chun, mihriam sandam inggai mania insane thei loi, athlonga Pathian nâipa ni hong thlanna chu, khongaina achang. (John 1:16-17)

**3. Sandamna siam achangna san:** Pathian sandamna asiamna san chem chu mihriam nâiheĩ suala inlirhei dinga sandam anchang hi achang. Bible chun suala inlir chu “THI” tiin akoi (Ephesi 2:1) THI ti hin Pathian rêka inzomna hrim hrim nei loi ihrem zawi dinga om hi, thi ei changna achang. Johana chun Pathianin khovêl ahmangai êm êm a anâipa neisîn ape ati. (John 3:16)

**4. Pathian sandamna hi imo achang tak:** Sandamna hrilfia dân chi hrang hrang a om. Roman Catholic nih Eastern Orthodoxy chun, mihriamin Pathian nun (dam) an ƣawmpuina hi achang an ti a (Participation of humanity in the divine life/deification of humanity) Protestanhei kalpui ve dân chun, siam ƣat Pathian nina inpawlna nei zawk sual ngaidamna hi achang. Liberation Theologianhei chun, om detna laka sansuak hi achang anti. I Ihom changsiala ei iti kapai hi sandamna hliir anchang, thil inzom nih inang tuarna achang.

*ZAWNA*

1. *Mirhiam suala inliir hi imo ati?*
2. *Misual inkan dân damin a om thei?*
3. *Bible khongaina ati hi imo achang? Pathian khongaina lang suakna hril fia ro?*

## **ZIRLÂI 12-NA RINGNA THU**

**Bible châng siarding:** Hebrai 11:1-2,6

Ringna Hebrai lekha hril dânin thil beisei om, atak lân lang suak loi. A beisei chu thil tak om achang rem ti a pom ngamna hi ringna, thil atak tak ichang atak hmu suak hma a, atak hmu hmaka dinga hmang rua Pathian thilpêk, mihriamin adong achang. Ringna chu Pathian thiltak om nih thil fela apom thiamna achang. Mihriamin Pathian mit hmuin felna nei naw hom siala, ringna anei chun mifel a inngaithiamin a om.

**1. Hawina:** Rom 10:17 achun, ringna hong om inƣanna chu hawina a changin ahril. Hawina hong om ƣanna chu Pathian thu aƣanga om ve a changin ahril ringna ahong om thiamna dingin hawina chu an nei lê ding achang. Miin ring ding thil tak om thu adonga, aring naw chun ringloi mi achang. Thiltak iom ringloi chu Pathian ngaiin, misual thlûk achang. Mi boirâl achang, thutak chu Isua achang. Miin Isua a ring theina dingin Chanchin ƣha thu adong ding achang. Chanchin ƣha (Isua thu) a hawi a Isua ring nghal loi chu, chatuanin thiam loi changing om ati.

**2. Rithla Inthiang:** Ringna nei chu mihriam dinga poimaw tak achang. Changrochu mihriam lungriil ngaituana inzen chun ringna nei thei tak tak achang naw. Mihriam sual achang takna leiachun thutak pom thiamna anei naw. Thutaka inhruai lûtpu ding Rithla Inthiang ƣangpui an ngai. Rithla Inthiang ƣangpuina loi chun, miin Isua hi Lalpa achang an ti thei naw. (I kor 12:3)

**3. Mirhiam:** Ringna nei poimawpu chem chu mihriam achang. Mihriam chu Pathian ringpu chang dinga siam achang. Mihriam sia nih ƣha hawina (Conscience) sualin ati siat pêk hnugna Pathian ring thiam ta loi, ringna nei dinga ƣangpui inngai achang. Mihriama ringna siampu chu Isua dên achang. Hebrai 12:2) miin Pathian ring ngamna neiin, aring chun aringna leiin fela inngai thei achang. Rom 4:3

### **4. Ringna poimawna:**

I) Sandamna dongna achang: Ephesi 1:8 achun, ringna leia khongaina sandam nin chang ati a, Pathian khongaina sinhaw, Mihriamin aloi dong theina nih pom thiamna chu “Ringna” achang.

II) **Pathian lawm salam mi changna:** Pathian thu chun, mihriam chungu chun lawm theina hrim hrim om ta loi thu ahril. Changrochu mihriam chungu lawmna anei thei nawk dân chu,

am airing. Anâipa Isua iring achang. Ringna loi chun ama lawm salam mi an chang thei naw. Hebrai 11:6

**III) khovêl inhnê angam thiamna achang:** Pathian thu chu khovêl roinpuina, an hoina, an سوالنا chu indi ve loi dingin ane hril. Khovêl nih an سوالنا hi ringpu chun a doi ding, ahnê in a ngam dinga hril achang. Ma in hnê a ngam theina chu ringna achang. I Johana 5:4

ZAWNA

1. *Ringna poimawna point inthumka hril ro?*
2. *Mihriam in Isua hi Lalpa achang ati theina hi imo?*
3. *Pathian sandamna dong dingin imo poimaw?*
4. *Ringna poimaw zia chi inthumka hril ro?*
5. *Isua hi Lalpa achang ti thei dingin tumo tangpui pu?*

**ZIRLÂI 13-NA**

**THIAM INCHANG TIRNA**

**Bible châng siarding:** Rom 5:1-11

**Thuvong:** “Ringna zâra thiam changin ei om tâk leiin, Ei Lalpa Isua Krista zâra Pathian rêkin remin ei om ta”. Rom 5:1

Thiam inching tirna ti tongbâi hi mi tumochang thil thaw سوالنا neia, dân athiam changna nei loi thu achang. Roirêlna tuin athaw سوال chungna roirêlna hmang a thiamloi inchantir a om tâk mi dang tu inmo changin thiam a inchantir achang. Entirnain, mi tumaw changin rûk a rûka, roirêlpuin thiamloi a inching tâk, tangka sing chawi dinga irêl fel tak rit, a chawi ding chawi thiam loi leia dan Paçoka lût ding. Mi tumo changin achawi ding ruang achawi pêka, thiamin changtira om mangka chu achang thiam inchantir ti thu omzia.

**1. Mirhiam thiam loina:** Mihriam hmasak chem Adama hniang achun, Pathianin Eden rihuan thingra sia nih ða thliarna fa loi ding thu a khâm. Ni fâk chun ni fâk nî nîn thi neti, ti a Pathian thu tiam a bawsiatna leia mihriam chu thiam chang loia om achang. Ma thiam loi changna leia mitin chungna Pathian chun thina hmanga roi arêl hi, mihriam thiam chang loina ra sua chu achang.

**2. Mihriam thiam inchantirna:** Pathian lekhabu chun mi khatka bawsiatna leiin roirêlna ahong thlunga, mi kapai thiam loi ân changtir ta, Rom 5:18. Mangka dên chun mi khatka felna sinthaw leiin, thil thlong pek ahong thlunga mitin nun chu thiam anchang ta, Rom 5:18 ti achang. Mi khatka bawsiatna lei ati hi Adama. Adama bawsiatna lei chun mi kapai thiam loi changin an om. Mi khatka felna sinthaw, ati chu Isua Krista achang. Adama bawsiatna leiin mi kapai thiam loi changin an oma, Isua Krista felna sinthawin rochu mi kapai thiam changin an om zawk. Adama thu hnuai a om chu thiam loi changna Krista Isua hnuai a om chu thiam chang a om na achang.

**3. Inkanmo thiam changin om thiam eiti:** Pathianin mihriam thiam chang theina dingin lam inhnika asiam. Khatkana chu dânzaw famkim changrochu Pathian lung awi chel khopin mi tu homin dân an zawm thiam naw. Maleiachun Bible chun, Dan sin thawna leiin mi tu hom Pathian mit hmua thiam chang an om no, ati Rom 3:20; Galatia 3:11

An hnina, ai awpu ding mi fel nei hi achang. Mihriam thaw thiam loi chu, Pathian chun ipai thaw thei achang. Luka 18:27 Isua Krista chun mirhiam âi a aw theina dingin Pathian lungawi khopin dân thupêk chu hong izawmin thu ahong awi zawna lei achun, thu awi loina a inthawkin thu awi a ani hong siam ta. Galatia 3:31

Mihriam laka Pathian thil phut chu mihriamin thling naw hman siala, Isua tling zoina chu, mi kapai ai a aw leiin, mihriam chu, Isua leiin thiam change om achang.

#### 4. Thiam chang takna intâr langna 4ka:

**I) Sual ngaidamna (Forgiveness of sins):** Misual thiam achang thei dân chu, a sual ngaidam achang leiin achang. Martin Luthera chun thiam inchangtirna ti òngbâi ai a ngaidam ti hi ahmanga. Maleiachun misual thiam chang an târ suakna chu asual ngaidamna ahmu ha achang.

**II) Mi fel inpuangin ei om:** Thiam inchangtirin a om takna chu mi fel inngaiin a om ta. A lei chu a sual ngaidam achang tâk leiin, sual anei tan aw. Mi khatka thu awina chun mi tamka mi fêl an hong chang ta. Rom 5:19

**III) Pathian ningthikna laka sandam ei chang ta:** Thiam inchangtirnain thil hlu a chang pui chu Pathian ei chung a ning a thik tâk loi hi achang. Pathian thu chun, Krista thisen hmangin thiam ei chang tâk leiin, a ningthikna nansa tak a òngin sandamin om ei ti. Rom 5:9

**IV) Pathian rêka inremna (Reconciliation):** Thiam inchangtirna chun, Pathian nih mihriam kêra in hranga om ha, an remtir ta. II Kor 5:19

#### ZAWNA

1. *Thiam chang intârlangna i i mo achang?*
2. *Thiam changtheina lampui inhnika om hi imo an chang?*

#### ZIRLÂI 14-NA

#### RITHLA INTHIANG SINTHAW

**Bible châng siarding:** Johana 16:7-15

**Thuvong:** “Zu inhâiin om naw unla, ma achun siatna a om. Rithla a sipin om zawk roi”. Ephesi 5:18

Thu hrilpu roinpui tak Sphurgeon chun, voika chu athu hril sermon pêk chu se êm êmkan ahawi a, lung thlûk chel loi fêkan aoma. A nawka sermon ahrilna achun anpua cha ðat leiin ahril ðata. Mipui hom an lawm. Changrochu thuhirilna ra suak chu, thuhiril ðhaloia inngai achun mi 41 an piang thara, an ða ati laia athuhirilna achun, piangthar khatka hom an om naw. Ma zoi zia chu rongbawlina hi Rithla Sinthaw aÛlzia inhawi thiamna khatka achang.

Vawn, Rithla Inthiang sinthaw chanchin ei zirna ding ahin, kong hrang hrang asin athaw dân, ringpu nun ahmu ding tamka a om. Rithla Inthiang sinthaw chu:-

1. Sual inhawi tir: Rithla Inthiang chun ân sualna ân hawi tir a, sual leia lung inriangna nih insîrna, insim awina hial hom mi apê ðhin. Johana 16:8

**2. Krista hnianga mi aËhui ðhin:** Rithla Inthiang sin lian taka thaw chu Krista hnianga mi a ðhui hi achang, an sual inhawi tir mai chang loiin Krista hnianga ikîr dingin ahril ðhin. Johana 16:14

**3. Pathian thu anen hawi fia tir ðhin:** Rithla Inthiang chun ei lungrila Pathian thu om zia anen hawi fia tir ðhin a, Rithla chun ipai â sui suak ðhin, Pathian thu inril hom. Ikor 2:10

**4. Ringpuhei ane ompui:** Rithla Inthiang chun tiklâi pain ani ompui maia, nenpui dinga inpei saiin a om. Taksa Rithla Inthiang omna In achang (I koi 6:19) maleiachun hmang loi thawna hmang loi ding.

**5. Ani òngintai pêk ðhin:** Bible chun Rithla Inthiang chun tiklai paiin inrumin hril thiam loiin ane òngintai pêk ðhin (Rom 8:26). Rithla Inthiang chun lungril buaina a om dân ding ei hawi naw laia, ane òngpuipu achang.

**6. Anen dampu achang:** Taksa sinthawhei, Setana awi salam thaw nai ðin chu, Rithla Inthiang ðangpuinain ringpu chun an hne ðina, Pathian dit salam angkan anen dam thei. Taksa sinthaw chu rithla achun thatin damin om roi (Rom 8:13) Ma mai chu changloin, ringpu rongbawlina hrim hrim hi ân dampu mai chu Rithla Inthiang achang.

**7. Rithla thil ane pê:** Koihranhei sinthaw hma insawntirna hrang hrang a thilpêk hrang hrang Rithla Inthiang chun ape ðin. (I kor 12:7-11)

**8. Rithlain ânra tir:** Rithla Inthiang chun rithla tiang ra anen suatir ðin a ringpu achun ma nunna hi anen neitir ðin. Hmangaina, hlimna, thu hnuai dawna, insûm theinain ringpu nun â ra sua ðin.

**9. Pa'nlakna ape:** Rithla Inthiang chun, intak nih sawi sakna ituarhei ane ðonginðaipui ðina Pentikos lai homin zirtirhei pa'nlakna ape ðin.

#### ZAWNA

1. *Rithla sinthaw kong inlikan hril ro?*
2. *Rithla Inthiang sip hi itina mo?*
3. *Rithla rakuaka ziak suak ro?*

#### ZIRLÂI 15-NA

#### RITHLA INTHIANG CHANGNA HRANG HRANG

**Bible châng siarding:** Johana 3:5-8; Tirkohei sin 2:1-4

**Thuvong:** “Pathian lekha thu angkan; mi keima ne ring apai chu a sunga ðangin tuidam inchik suak ati, ati a”. Johana 7:38

Rithla Inthiang chungchang ngaituapuhei chun, asinthaw dân a zirin achang ahawi thei ðin. Rithla khatka tia achângin thli/rithuak, a chângin mei, achângin vaðu achângin sahriak sûm a achâng ðin. Bible ahin ðongbâi hrang hrang hmangin rithla Inthiang thu hi hrilin a om. Ma chanchin mahin ahriil atum achu achang.

**1. Thli/Rithuak:** Rithla Inthiang hi thli mo, rithuak angka alangna nih hmang achangna hi Bible a hmuin a om ðin. Mihriam hmasak chu ahnâra nunna rithuak ân thuak khuma Gen 2:27 ti achang a. Joban “Mihriama rithla a om, ipai thaw thei a rithuak achang” ati dêna, (Joba 32:8) Ezekiel achun “Aw rithuak ..kawlkamong aðangin hong kal inla, ma mihei rithla chung ahin inthuak ro, ati a, (Ezekiela 37:9) Isua ngeiin, “Thli ten paia an thli thei” tiin ahriil a, Rithla Inthiang hom mangka chu achang (Johana 3:8) Penticost ni a Rithla Inthiang hong ðum hom ha thaivua angkan ahong, ti achang. Tirko 2:2

**2. Vathu:** Vaðu hi Rithla Inthiang hrilna dinga alang dân a loi om ve ðin. Lal Isua Jordan tuia Johana kuta Baptisma achang han tui a inthoka ahong suakin Rithla Inthiang chu vaðu angkan ahong fû, ti achang (Matt 3:16; Luk 3:22) Rithla Inthiang chu ngilnei, nunbei, zaidam achang zia, vaðu hin ân entir.

**3. Sahriak:** Lal mo, zawlnei mo, chang ding hin Pathianin ami thlanghei chung a sahriak â bua ðin. Sahriak bua hin, achunga Rithla Inthiang I om tâk, Rithla Inthiang a nemnghet (ordain) chang tâk en tirna, (Luk 4:18; Tirk 10:38)

**4. Mei:** Rithla Inthiang hrihna ahin mei hi hmang ahang thin. Mei sinthaw dân enin Rithla Inthiang sinthaw dân hi inanga hmu ahang. Mei chu hnawm kâng fâipu, ân thial fâipu thin ahang. Kahin Rithla Inthiang chun mihriam sual sinthaw thaloi iom lungrihla ngaituana thaloi kâng fâi thiampu ahang lein, MEI hi Rithla Inthiang hrihna ahmang ahang. Baptispu Johana chun Lal Isua chu mei nih Rithla Inthiang a Baptispu ahang dingin ahrih. Matt 3:11; Luk 3:16-17

**5. Tui:** Lal Isua chun ama ringpu chu ama inthokin tuidung dam hong luang ati, ati. (John 7:38) Mathu om zia chu ama ringpu heiin Rithla Inthiang ala pêk ding thu a hrihna ahang. Zawnei Isaia chun a Rithla Inthiang ala pêk ding thu ahrihain, “Tui hrâl chunga chun tui la buak ke ti”, tiin ahrih (Isaia 44:3) Rithla Inthiang chun, Nunna tui angka hrâlhei inthlâipu ahang.

**6. Thlamuangpu:** Lal Isua chun Rithla Inthiang ti hmangna ding hmuna thlamuangpu ti ahmang thin, “Pa hni ki ti a, ani chun thlamuangpu dang nang nip e ati”, ati (Johana 14:16). Ringpu lungriahngna nih rithla invaina hmuna nen hnêmpu dinga Pathianin Rithla Inthiang ani pêk ahang.

#### ZAWNA

1. *Vaṭhu hin Rithla Inthiang changna imo an langtir?*
2. *Johana tí dângin Isuan inkan nang ni Baptis ati ati?*
3. *Rithla Inthiang entirna 5ka hril ro?*

#### ZIRLÂI 16-NA

##### KOINA THU

**Bible châng siarding:** I kor 1:26-29

**Thuvong:** “Pathian thilpêk nih koina chu hnial rual-ahang nawh. Rom 11:29

Koina thu ahin thil inthumka inchin hoi ding a omin ânlang. Thil hmu thu a Sam 119:18, ati angkan, Ni dân thua tângin thil mak ki hmu thiamna dingin, ki mithei hi nen vâh ro. Thil hmu chungchang achun thil 3ka inchin hmu ding thil om, an langtirpu vâh, hmu theina mit angka denin koina thu homa thil 3ka a om. A koipu om, a koina san om, a i koipu om, âhang thin. Chun koina thu inhnika thil inhnika om ve nawk chu pu tiang koina nih sung tiang koina, inthen ahang thin nawk. Mihriam Pathian laka ansual hnung han, mihriam chun Pathian laka ihom thawthei nei ta loi, thaw tum hom siala usualna belsap mai ahang. Pathian koina châng nih zongna châng reng ahawi tan aw. Zong tum hom siala hmu thiam ta naw ni. Misual nih Pathian inhmua thiam nawkna chu Isua Krista ahang. Mangka chun koina ti hin, “Pathian misual kal boi tâk akoi” thu ahang. A koipu Krista, a ikoipu chun mihriam an hmu tirpu Rithla Inthiang vawna koina koina thu ei zir ding hi, koina inhnika thu ahang.

**1. Koina inhnika thu:** Bible a inthoka ngaitua hning vaika ngaitua chun koina hi inhka om theiin anlang. A om dân chu mângka hi:

**I) Koina bîk (Special calling):** Pathianin mi tumo chang misual hmanga sinthaw ding anei lein a sinpu dingin mi koi bîk anei thin, entirhain Abraham, Nova, Mosia, Eliza etc. Isua hun laia Isuan akoi zirtir 12 (sawmhlei inhnika). Koina dingpu chuna awi le ding ahang. Nangni hom koina nin dong chun nin thung lê ding ahang.

**II) Mi kareng dinga koina (General calling):** Mi kareng Pathianin akoina thu hi chu, sinthaw leia koina chang ta loiin, Pathian ithaw zoi tâk chang dinga koina ahang. Pathianin misual boirâl dinga sandamna asiam, mi karengin changsia, dong sia a awi, machu ichang

pak dinga mi kareng Pathian akoi ahi, mi kareng dinga koina (General calling) tia rihming an input tir achu achang.

## 2. Ringpuhei ani koina:

**I) Mâni inphat (kal khal) ngam dinga koina:** lal Isua chun, “Mi tupaiin ane zui a awi chun mâni intakna poisak loiin, across inpuin ni zui rise”. Tiin mitin akoi Luk 9:23, Lal Isua chun mi kareng akoina ahin, thenka chun akoina an awi a, thenka chun an awi naw. Nangni chu akoina i awipuheh nin chang.

**II) Kross inpu azui (Luk 9:23):** Lal Isua chun ei mâni dingin intak ituarin, ama dinga ibei chu kal khalin ân pêka. Ama zui vê ding chun mâni dinga ibei kalkhal intak ituara ei zui ve ding achang. Kross inpu a Isua zui ti om zia hi, intak tuara Isua zui ti om zia hi, intak tuara Isua zui tina achang. Mi then tamka chun, Isua zuipu chang chu an awi a, tuar loia bei vaika zui an awi thin. Ma chu Isua koina poma zui aw ding idik achang naw.

**3. Inthiang dinga:** Pathianin ringpu hei ani koina poina fê achu, inthiang dinga ani koi achang. Paul achun ibal dingin nangni akoi naw a, “ifâi a inthiang dinga nangni akoi achang zawk” ati a. I Thes 4:7 i angka inthiangna mo? Peter achun nin châng dân ipai a inthiang roi ati. (I Peter 1:15)

**4. Krista thu hoipu ring om ding:** Ringpuhei dinga koina poimaw chem achu, Krista thu hawi zuipu mi ring om chang dinga koina hi achang. Lal Isua chun “Kawl komong ariin ki thu hawipuheh chang nin ti” ati. Tirk 1:8

## ZAWNA

1. *Koina chi inhnika om ha i imo achang?*
2. *Ringpuhei idingin maw akoi? Koina chi inlika hril ro?*
3. *Pathianin mi a koi hi, koi luina mo, khongaina?*

## ZIRLÂI 17-NA

### TAKSA INHLÂNNA

#### Bible siar ding: 1Lalhei 17:1-7

**Thuvong:** Nin taksahei hi Krista tangva an chang, ti nin hawi no bei? Chun Krista tangvahei chu la pêkin, nawchizuar tangva a siam ki ti bei? Siam riai mak. (1Korin 6:15)

Mihriam thu hi mihriam vârna a insût phâk chel rualloi thil om achang. Rithla thil, lungril lam, taksa lama mihriam vârna hmanga thil hawithiam tawk om chu mihriam taksa sâti ahin thil 600 thil inhrawl a om. Thisen kal lawn vêna lam mêl 970 a sei a om. Hawitheina rithahruai nuai 100. Fâk loi dawp ralpu ding rîla inkua, kua nuai 2000 a om. Mihriam vun inch khatka huap sunga hin rithlân suakna inkua boruak 3500 a om. Chuap ahin boruak omna kua (air cells) nuai 6000 hneka tam a om. Mangka khopa thil inremkhawma taksa ngot hom hi siam achang. Mangkahei ngaituain, David achun, mihriam hi tiom tak nih inmak vaika siam achang, tiin siamtu Pathian chu ân pâk (Sâm 139:14).

#### 1. Bible in taksa hi I imo achang a ti:

**a) In:** Bible chun taksa hi In (House) tiin a koi, “Ei omna rineng In hi te hom siala,” a ti, (1Kor 3:16). In tak tak a ti changloi, taksa a tina zawk achang.

**b) Puan In/Ribok:** Ribok hrim hrim hi In seng senga bawl achang homin hun tawika dinga hmang, I the viak ding In hi ribok, tia koi achang. Kumkhua mo, hun sawtka ding changloi achang. Peter achun ma taksa hi ribok, tiin a koi, (2Peter 1:13-14).

c) **Bêl:** Taksa hi Bible chun “Bêl” tiin a koi ve ðin. “Mani bêl ðiang vong thiangihlim unla,” (1Thes 4:5), Bêl koi awl zawk (1Peter 3:7).

## 2. Taksa thua Pathian thupêk:

a) **Vong thiangihlim ding:** Pathian thu chun taksa hi vong thiangihlim dingin ane dita, tu laka, I ilak aþanga thiangihlima vong ðul mo an chang, ti thua Bible chângin anen hmu dânin, Nupang nih Ipa hurna laka thiangihlim ding (1Korin 6:13, 1Thes 4:3-4), Nupang Ipa hnuaminomna bâk homa thil ðhaloi tak tak thawna a hmangloi ding. Thil ðhaloi tak tak fâ in mani taksa inseloi ding.

b) **Felna hriamhrei dinga pêk:** Pathian lekhabu chun nin taksa thi thei ahin sualnain thu nei naw rise. Felna hriamhreia dingin pe phal zawk roi, (Rom 6:13).

3. **Pathian chawimawina ding:** ei rawl ri nih ei ðong rihei hi Pathian chawimawina dinga hmangrua an chang. Rawl rihâi nih taksa chi hrang hranga Pathian chawimawi hi apuma inpâkna achang. Nin taksa hi nin ta achang naw, mani ta nin chang no. thisena inchawk nin chang a ti, (1Korin 6:20).

4. **Pathian inhlân ding:** Mi tinin an taksa ðiang hi Pathian hnianga an inhlân ding achang. Taksa inhlân hi Bible chun, Inhlânna dam a tia, Pathian lawm tlâk, a ti (Rom 12:1). Taksa hi hun tawika sung chaia ðatna nih a mawina, a hratna nih a vârna, a sinthawtheina hmangrua dinga Pathian thilpêk achang. Rinenga kîra ðuai ral mai ding achang.

## ZAWNA

1. *Pathian thilsiam ka lâia ðiom nih inmak a siam imo?*
2. *Pathian lawm thlâka inbawl hi imo achang?*

## ZIRLÂI 18-NA THIANGINHLIM

**Bible siar ding:** Levitikas 19:1-2, 1Peter 1::13-16

**Thuvong:** “Nangni a koipu chu a thiangihlim angkan nangni hom nin omdân tinrênga thiangihlim ve roi,” (1Peter 1:15)

1. **Thiangihlimna omzia:** Thiangihlim hi bal boploi fâi tina chu achang hrim. Changrochu, Bible in thiangihlim a hmangna hmun hi bal koploi fâi mai bâka, inkhaihrang tina tiang inserhrang tina thu tiang a hril sa. Pathian hmang thei dinga buatsai tina tiang hom achang ve sa. Hmun mo, hmangrua mo, mihriam hom Pathian dinga insrhrang hi thiangihlim ti omzia achang.

## 2. Ei thiangihlimna dinghei:

a) Krista inthiang tirna: Mihriam inti thiangihlimna mai ring chun Pathian reka inpawlne nei thei khopa inthiang thei achang no. asanchu, sualna leiin Pathian felna mihriamin ân ðawmpui thiam no. pathian naipa Isua Krista ne tlanna zâra Pathian thiangihlimna ei inðawmpui thei chai achang. Bible chun, “Ani chu ei thiangihlimna dinga siam achang,” a ti (1Korin 1:30).

b) Lungril thiangihlimna: Pathianin thiangihlimna a dit dân hi putiang thiangihlimna changloiin, lungril thiangihlimna hi achang. Maleiachun, ei lungril hi Pathian omna thlâk chang dinga serhranga thiangihlima khaihrang ding achang. Nin thiangihlim ding achang kei ki thiangihlim (Lev. 19:1). Lal Isua homin, “Mihriam lungril ngaitua sualna aþanga isuakin,” a tia (Mk. 7:21). Lal Isuan farisaihei a hal tamna chem hom putiang thiangihlimna an ngai nata, sung tiang thiangihlimna hi an ngai nep leiin achang.

c) Taksa thianginhlimna: Mihriam taksa hi Pathian nih Setana hmang dinga an inchuna hmun achanga, ma dinga thuneina neipu chu mihriam achang thin. Setana hmang a awina thin chu hurna a, zu induna a, rûk inruna a, khêl hrihna a, insualna a, thil thaloi tin reng thawna dinga hmangrua hmang awi. Pathian chun ama dinga thiltha nih thil dik thawna ding, Pathian chawimawi nih ama inpâkna dinga hmang ve hi a awi ve dân chu achang. Ma chung a roirêlna neia hmang dinga phalna pepu chu mihriam achang. Ni taksa hi tu hmangrua dinga pe mo ni awi? Ithlang ro. Sual hmangrua dingin ni pêk chun thina. Pathian hmangrua a dinga ni phal ve le damna. Nangman ne dit theina hmanga inthlang theina ne nei.

3. Thianginhlima om hi Pathian thupêk achang: Pathian thu chun, “Kei hi ki thianginhlima, maleiachun nangni hom nin thianginhlim ding achang,” itiin thu a pe, (Lev. 11:44).

Thianginhlimna nih inhoina inbelin Lalpa chu chibai bûk roi. Sam 29:2.

#### ZAWNA

1. *Lungrila thianginhlimheiin imo a hang hmu ding?*
2. *Mihriam lungril sunga omin imo a suak thin?*
3. *Ei thianginhlim theina dingin Pathianin imo a thaw?*
4. *A dikpu itlang ro:*
  - a)
    - i. *Thianginhlimna hi Pathianin taksa thianginhlim ding a ti. (adik no)*
    - ii. *Thianginhlimna hi Pathianin taksa nih lungril thianginhlim ding a ti. (adik)*
  - b)
    - i. *Pathian thianginhlimna Isua Krista tlanna zâra ei inṭawmpui thiam. (adik)*
    - ii. *Pathian thianginhlimna a thupêk izawmin ei inṭawmpui thiam. (adik no)*

#### ZIRLÂI 19-NA

#### KRISTIANHEI TUARNA

##### **Bible siar ding: 1Peter 4:12-19**

**Thuvong:** Kin hreom tuarna zâng hi hun tawika ding chai achang. Changrochu mâ chun chatuan roiinpuina, têkhin theiloi khop chu ane siam pêk. (2Korin 4:17)

Tuarna hi tuhôm ân di nih ân thlang an om no. mihriam a ngai thiamloi chu “Tuarna achang.” Changrochu, tuarna hin tuhôm a zua bîk no. Pathian naipa Isua ngei homin a tuar ve. Lung awi taka Pathia dit dân angka tuarhei ta ding chun thâtna tiang tamka râ ân sua thin. Tuarna boi chun râ insua a om thin naw a, lungngaina nih ṭapna chun thlamuangna ân sua thin. Vawn hin Kristianhei tuarna thu ei zir ding achang. Atak taka ei chung a la thlung le ding achang leiin Pathian lung awi dân angka taka ei tuar zoi thiamna dingin poimaw fe achang.

##### **1. Kristianhei tuarna:**

**a) Fiana dinga tuarna:** Isua zirtirhei chung a tuarna hong thlung thin ha an insual leia tuarna achang naw a, fia a an om leia tuarna achang. Krista an hmangaina chu inkatawka inthûka hmangai thei mo an chang? Pathian ei ring det thiamna dinga ei chung a fiana hong om hi Pathianin a hnial no. Peter achun, “Nin chung a fiana hong thlung hi mak ti naw roi,” tiin kristian tuarna omhei chu ân fui thin.

**b) Thlêmna leia tuarna:** Kristianhei hi Isua ei ring theiloina dingin thlêmna hrang hrangin mi ân thlêm thin. Thlêmna ngam ve ding chun tuarna tamka tuarna ngam a tûl thin. “Thlêmna tuar hram hramhei chu an ham a ṭha,” a ti. Lalpain a ihmangaihei hnianga a tiam chu an hmu thiamna dingin, (Jakob 1:12).

**c) Thununna tuarna:** Kristianhei chung a tuarna thlung thin mi thenka dinga hawi intakin a om thin. Lalpa miheiin inkata ei tuar a tûl? Thil tinreng chung a sandamna chang ei chang nghâla, Lalpa mihei ei tuar hin a hmangaina leia tuar ei chang zawk. Pathian lekhabu chun, “Lalpa chu a hmangaihei chu a thunun thina, nâi a lawm apai chu ân vo thin,” a ti (Heb 12:6).

A hmangaina hawi thiamloia an insual tir chun na dapkan a thunun thin, Pathian dam kuta inlir chu rapthlak achang, (Heb 10:31).

**d) Krista dinga tuarna:** Kristianhei tuarna dik an ituar chu Kristian an changna leia tuar hi achang (1Peter 4:16). Krista chu khovelin a huat leia ama ringtu a hnung zuihei hom khovel huat kaiin an om ve.

**2. Tuarnain ra an sua:** Tuarna thu chi hrang hrangin ei hong zir tra a, atun chun tuarnain imo ra a sua, ti thu ei zir ding achang.

**a) Lawmna:** Tuarnain ra a sua chu lawmna nei. Bible chun tuar zoi chun lawmna achang a ti.

**b) Hamthatna:** Isuan, keima leiin miin nangni an hala, nangni an soisaka, khelin nangni an sor huna nin ham la tha a ti, a ti (Matt. 5:11).

**c) Roiinpuina:** Krista leia tuarhei chun nakana roiinpuina la dong an ti, (2Korin 4:17). Isua Krista tuarna hi ei en ton ding achang (1Peter 2:22-24).

ZAWNA:

1. *Kristian tuarna inthumka hril ro?*
2. *Kristian nun dik imo achang?*
3. *Tuarna thua tumo ei en ton ding?*
4. *A awl insip ro:*
  - a) *Pathian iiiiini nih iiiiini chu hnial rual achang no. (Rom 11:29).  
Thungna: thilpek nih koina.*
5. *Adikpu tlang ro:*
  - a)
    - i. *Pathian koina chu inhnika a om. (adik)*
    - ii. *Pathian koina chu khatka a om. (adik no)*
  - b)
    - i. *Isuan a ikoi bikhei chu a zirtir 12ka an chang. (adik)*
    - ii. *Isuan a ikoi bikhei chu a urenghei an chang. (adik no)*

## ZIRLAI 20-NA

### KHOVEL THLIR DAN DING

#### **Bible siar ding: 1Johan 2:15-17**

**Thuvong:** Changrochu, ma thu den chun, atuna rivanhei nih rineng hi Pathian ngaisakloihei roiraina nih siatna ni a hal dinga khak achang. (2Peter 3:7)

Lawmna hlimna hi khovel thil rek an zawm thei rit no. lawmna, hlimna, thlamuangna hi Pathian thilpek achang. Lawmna nei ve tik boi, lal khatka hnianga hin a khawnbawlin, Pu, khovel ami lawmna nei hak inla, lawm ve thei ne ti, a ti chun khovela mi lawm thiam chem an zong suaka, lal hnianga an hong thua, ma mi chun zakua khatka hom inhak ding neilo achang.

**1. Khovel hi Pathian siam achang:** Khovel hi Pathianin a dit dan taka a siam, a ta dinga siam achang. Ni rukka sunga a siam achang. Mihriamin hnuam hnuama hen ding achang no. ei omna ding, ei en kai ding, nekfa ei fakna ding, chungloi silzeme ei inthumna ding achang. Khovel hi Pathian kuta isiam, mihriam hnianga a pek achang ti ei hawi ding. Ei duat inren em emka ei hmang ding achang. Thingkung, rokung, rama sa leng zu va tinreng chung homa ngainep ri ai loi ding achang.

**2. Khovela hi soal thuneina hnuai sia achang:** Pathianin Adam a hnianga, "Rineng hi nangma leiin a sia dongin a om ta achang," a ti (Gal. 3:17). "Thilsiam tin chu thil hmangloi, thuneina hnuai an thu thua soisakin an om," (Rom 8:20). Pathianin a dit dan angka thapa a

siam khovêl chu mihriamin Pathian thu bawsiata a om hnunga inthok chun khovêl chu sual thuneina hnuaia inngun a tûl ta achang. Machu achang tâk leiin khovêl hi Pathianin a siam dâna om achang ta no, a siamloi aw nih a ditloi awa iom achang ta, ti hawiin, khovêl sualna laka ei invêng ve ding achang.

**3. Khovêl chu la boiral ding achang:** Pathian thuin khovêl boiral dân ding a hril, chun a awina tawploipu mi chu boiral a ti, 1Johan 2:17. Maleiachun, Johan achun, khovêl hi hmangai naw unla, a sunga thil omhei hom hmangai naw roi, a ti (2:15). Khovêl nih a sunga thil om hi hun tawika dinga om, la boiral ding an chang. Mi then tamkan khovêl hi an ngainata, an dita, an kân, changrochu, mangka lungril neihei chu Setanan an lungril lemna a siam pêk lei zawk achang. Bible thu ringloihei chu setana lem boina hnuaia om an chang zawk. Eini chu Bible thu ei ring leiin setana lem boina hnuaia ei om no. maleiachun, eini chu Pathian thu awiin ei zawm ding zawk achang.

ZAWNA

1. *A awina puma iboiral ding hi tumo achang?*
2. *Thil hmangloihei thu thua omhei ha imo chang?*

## ZIRLÂI 21-NA RINGOMNA

### **Bible siar ding: Daniel 3:13-18**

**Thuvong:** Isuan a hnianga, “An kuta âlkuang intum maika hnung en khîr thin mî tûhom Pathian Lalnaram dinga tling reng an boi,” a tia. (Luka 9:62)

Ringomna hi mitin dinga poimaw achang baka kristianhei ding chun a la poimaw chuang achang. Miin ei iti, ei ihril an ring naw chun Pathian thu hril thiam naw ning. Pathian thu ei hril le chai mi ni ring ding. Thu dang ei hril chun ne ringloi ding thu achang thiam no. Mi ringom chu Pathian dingin a ringoma, ama thian nih mi dang dang dingin mi ringom achang.

Mi ringom chu thil ipai chung a ringoma, hun itik paia ringomin an om. Mi ringom chu mitin dinga poimaw achang. Vawn hin mi ringomhei chanchin ei zir ding achang leiin tha vaika nin ngaia anmani angka ringoma om ve thei nin chang.

**1. Mi ringom mi inthumka:** mi cham reng inthumka Sadrak, Mesak nih Abednago, tlangvâl hmêltha nih ivâr indit om fe an chang. Hebrai mi Babulona sala intâng an chang. Voika chu Babulon ram lal Nabukadnezzaran Dura phâi achun milêm pathian lian êm Êmka ân thunga. Ma milêm chu mitinin chibai an bûkin milêm hmâ achun an ngun ding achang, ti thupêk ân sua. Mitinin chibai an bûka Sadrak, Mesak nih Abednago rochun an bûk awi ve no. pathian tak chibai bûk thin an changa, a lêm chibai bûk rochu an awi no. lal thupêk zawmna dinga lungril tak taka chibai bûkloi dingin mi dangin an fui homin an awi no.

**2. Mi ringomhei hremna:** Lal thupêk chun milêm pathian hmâa inngun awiloia lal thupêk hnialhei chu mei thumpuia pai ding ti achang. Lal chun mei thumpuia pai an changloina dingin an dingin remchâng dang siamin lal ngeiin a fui homin an rem ti chuang no. Lal fawna chu hinkahin an thunga, “Kin Pathian, a rong kin ibawl thin achun rotui na, meipuia inthok chun ane sansuak thiam. Ni kuta inthok homin ni sansuak thei a ti. Mangkachu changhomsiala, aw lal chem, ni rangkachak milêm rong chu bawl thiam hlawl naw ning ti hi hawi ro,” an tia. Lal ningthik chun a mei sat pangai hnenga a lêt saria sain ân siam tira, an inthum chun mei achun ân pai lût tira. Mei sat luat lei achun a paihei zawk meiin a kâng.

**3. Ringomnain ân hne:** Ma mi ringom inthumka meipuia pai lût thin hman siala Pathianin a hawipui rita, mei kâng thiamloi dinga a hrung ding Pathian chun a vântirkoi a tira ma mei lâi

achun an invêl an invêla. Mei chun a kâng thiam no. Lal Nebukadnezzar achun a va hmua, mak a ti êm êma. Mei ațanga hong suak dingin a koi suaka, hinkahin thu a sua thar nawka, Sadrak, Mesak nih Abednago Pathian soisêl apai chu tanbong chang an tia, an In hmun hom дума țiak inkak tir chang a ti, a tia.

#### **4. Ringomna kalhmang:**

- a) Ringomna thu ei izir hi Pathian inphatloi ringomna.
- b) Atawp phâk ringomna, thi ngam ringomna lallukhum hlaw theina ringomna (Thupuang 2:10).
- c) Ringomna achun tuarpuiphana.
- d) Ringomna chu ngamna (hnena) achang.

#### **ZAWNA**

1. *Nebukadnezzaran rangkachak milêm a siamna, ihmun mo?*
2. *Mi ringom cham inthumka rihming hril ro?*
3. *Ringomna kalhmang imo?*
4. *Adikpu tlang ro:*
  - a) *Milêm Pathian omna hmun chu:*
    - i. *Dura phâia (adik)*
    - ii. *Babulona*
  - b) *Chamreng inthumkahei ha:*
    - i. *Hebrai mi an chang. (adik)*
    - ii. *Greek mi an chang.*
  - c) *Sadrak, Mesak nih Abednago hei chu:*
    - i. *Milêm pathian an biak țin.*
    - ii. *Pathian tak an biak țin. (adik)*

#### **ZIRLÂI 22-NA RONGBAWL**

##### **Bible siar ding: Matt 20:24-28**

**Thuvong:** Asanchu Manmasi Nâipa hom rongbawlna dong dinga hong achang nawa. Changrochu rongbawl ding nih mî tamka intlanna dinga, a nun pê dinga hong achang. (Mk. 10:45)

Koihran member 700 omna ahin Pastor thar an ruaia. Mi khatka hin, “Pastor mi 700 inthlâi chel khopa rongbawl ding chun ni panlak,” ke ti, a ti pêk chun, ma Pastor chun, “Member 700 inthlâi dinga rongbawla hong ki chang naw a, mi khatka than inthlâi dinga rongbawla ke hong achang. Ma mi khatka chu ISUA achang,” tiin a thunga. Rongbawlna thu zir ding ei changa, rongbawl hi, Pathian rongbawl achang ti hi hawi a țin êm êm achang.

**1. Rongbawlna omzia:** Rongbawlna țin omzia tak chu, lal mo, milian mo in bunêkna nei hun a țin apai pe thap dinga loi chuan mai pu hi rongbawlpu achang. Greek chun, “Diakonos” tiin an koia, machu rongbawlpu tina chu achang. Maleiachun, rongbawlna omzia diktak chu “Siahlaw sin” achang (Servanthood).

2. Rongbawlnain a tum:

a) Rongbawlnain a tum lian chem chu “Pathian inlawmtir” achang. Pathian sinthaw nih Pathian dinga sinthaw an chang ngei leiin rongbawlpu chun Pathian inlawmtir hi a tum ding achang. Paul achun, “Manmasi mo ki zawm Pathian? Achangnawlemo manmasi inlawmtir mo ki tum? Manmasi inlawmtir tum ki chang chun Krista bawi ki chang no,” a ti (Gal 1:10).

b) Rongbawlnain a tum dang nawk chu Pathian ram inzatir achang. Pathianin a thuneina a la hmang ve loina hmuna Pathian thuneina, roirêlna vên ding suak. Rithla boi va zong suaka, va sandam, Lal Isua hnung zuipu ringom. Kristian mi ringom chang dinga va buatsai.

3. Rongbawltu tir:

**a) Hmangaina sin thaw ding:** Pathian rongbawlpu hi hmangaina rêka thaw ngei ngei ding achang. Hmangaina boia rongbawl chu dâr suk rihâi angka mai mai, thlengrep suk ri angka mai mai achangin Bible chun a hril (1Korin 13:1).

Rongbawlpu chun Pathian a hmangai ding achang. Rongbawlpu chun a rong a bawl pêkpu a hmangai ding achang. Rongbawl hin hmangaina tang sa loia rongbawl hi ân nêp êm êm lein, rongbawlpu chun ân en chiang ding achang.

**b) Inngaithlawm vaika rongbawl ding achang:** Ei hong zir angkan rongbawl hi siahlaw sin achang. Maleiachun inngaithlawm vaika siahlaw sin (rongbawl) chu a thaw ding hrim hrim achang. Rongbawl na nih chawimawina lalna achang no. maleiachun, Lal Isuan a zirtir inhawi thiamloi ân lâi leia a zirtirhei pheï insuin rongbawl na chu ân hmu tir (Johan 13:12-16), nin lâia ahmasak chem chang awi pu pai chun mi kapai siahlaw achang ding.

**c) Isua bula om ding:** Rongbawlpu chun, rongbawlpu chang ding khopa Isua pheibul achun a om ding achang. John Wesley achun, mei chok chang inla ni kâng hmêl en dingin mi chu hong mai an ti, a ti, (get on fire and people will come out to see you burn). Ki rongbawlpu chu ki omna a a om ding (Johan 12:26).

ZAWNA

1. Rongbawl na omzia diktak hi imo achang?
2. Hmangaina tang sa loia a rongbawl hi imo achang?
3. Rongbawlnain a tum inhnika hril ro?
4. A awl insip ro:

a) Manmasi naipa hom rongbawl na îîîîî dinga hong achang naw a, changrochu îîîîî nih mi tamka îîîîî dinga a nun pe dinga hong achang zawk. (a thungna: idong, rongbawl ding, intlanna)

ZIRLÂI 23-NA

TONGBÂI

**Bible siar ding: Jakob 3:1-12**

**Thuvong:** Ƨong Ƨhaloi reng reng nin bâi aƧangin suak naw rise. Intungdingna dinga Ƨongbâi Ƨha chai suak rise. Machun, an ngaithla pûhei chu khongaina pê a ti. (Efesi 4:29)

Ƨongbâi thu ahin mitin mimal malin inangloi tak achang. Bâi fân an oma, bâi thloi fe hom an om thei. Lal Isuan bâia lûtin mi ân sia no, bâia suakin mi ân sia, a ti thu ha nêkfâk thu chai changloi homa Ƨongbâi thu homa inbel thiam a Ƨûl. Ƨongbâi Ƨha chun mi lungril ân hnêm tira, Ƨongbâi Ƨhaloi chun mi ningthikna a siam suak. Darlonghei chun, Ƨongbâikan sepui a hrula, Ƨongbâikan sepui a la, an ti. Ƨongbâi hmang dân thiam dingin vawna ei thu zir Ƨongbâi ti hi, hawia hmang thiampu chang tum pak ding achang.

**1. Ƨongbâi Ƨhaloi a poi zia:** Ƨongbâi Ƨhaloi chungchanga mi poi a khoi thiam zia thuvâr chun hinkahin a ti, “Mi hmûr tam invâk hrat chun, thurûkhei ân lang tira, mi ringom lungril nei mi chun thil a thup Ƨhin,” a ti. Ƨongbâi Ƨhaloi hin insung, koihran ân se thei rît Ƨhin. Koihran hruaituhei dêk chu Ƨongbâi hmang thiam, hmang Ƨha a Ƨûl chuang. Ƨongbâi hi mani ding homa Ƨhaloi, ân ngaipu mi dang ding homa Ƨhatna boi hi Ƨongbâi suak thiam achang.

**2. Ƨongbâi fiminkhur:** Lal Isua chun, changrochu nangni ke hril hi, roirêlna nî achun miin a ti mai mai thu tin hisap la pe a ti, a ti. Ni Ƨongbâiin thiam nang inchang a tia, ni Ƨongbâiin

thiamloi nang inchang a ti (Matt 12:36-37). Ƨongbâi hi poimaw êm êm achang leiin nakana Isua ngei roirêlna thuthmuna a Ƨung hun aria Ƨongbâi hmanng thua a la rêl sa ding achang.

Ma khovêla ei om lâi homa Ƨongbâi hmanng thiam nih fiminkhur ân ngai. Darlong Ƨong ulian chun, sa in a hnung a thi puia, mihriam chun a Ƨongbâi a thi pui, an ti. Maleiachun, Ƨongbâi hmanng thu ahin thiam chang Ƨongbâi a oma, thiamloi ichang Ƨongbâi hom a om.

Bible thuvâr chun, mi intlaw hom hi a dairiam chun mi vâra inngai achang. A hmûr ân chîp thlat chun, mi rem awia inngai achang. (Thuvâr 17:28).

**3. Lei vêng Ƨat thu:** Ƨongbâi suakna hi lei achang. Jakob achun Ƨongbâi thu a hril a tumna achun “LEI” ti Ƨongbâi hi a hmanng. Ƨongbâi hong suakna lei chu tuider nin a hril khia. Tuider khatka tia tui itui nih tui tuilo a pût thei bei? Tui khâ nih tui al a pût thei bei? a ti. Lei sinthaw theihe chu mahei hi an chang (Jakob 3:1-12):

- a) Lei hi anen sual tir pu achang.
- b) Lei hi taksa pum ivai vêlpu achang.
- c) Lei hi MEI risi angka kâng tham thei achang.
- d) Lei hi inthem ngamloi mi kâng thei achang.
- e) Lei hi Pathian nen pâkna achang.

I leiin mo Jakob ahin lei chanchin a hril? A hrilna san chu, leia suak Ƨongbâi hmanng Pathian koihran insiain an om ân lâi êm êm lei achang. Koihran chun mi dang soisêl zompu chang loa, mi inpâk thiampu chang hi a poimaw.

#### ZAWNA

1. *Mi intlaw, mi vâv angka inngai thei achangna hril ro?*
2. *Ƨongbâi Ƨa hmanng thiam dingin imo vêng a Ƨûl?*
3. *A awl insip ro:*
  - a) *îîîîîîîîîî Ƨhaloi reng reng bâia suak naw rise, indingna a îîîîîîîîîî suak rise.  
(a thungna: Ƨongbâi, thuƧa)*
4. *Adikpu tlang ro:*
  - a) *Ƨongbâi Ƨhaloi hi:*
    - i. *Bâi aƧanga suakin mi ân sia. (adik)*
    - ii. *Bâi aƧanga suakin mi ân se no.*

#### ZIRLÂI 24-NA THUAWINA

##### **Bible siar ding: 1Samuel 15:17-23**

**Thuvong:** Ni poma ni zawm achang chun rama thilƧa chu fa nin ti. (Isaiah 1:19)

Paulan bawi chungchang a hrilna a, a Ƨong hmanng khatka chu, a thu nin iawi apai bawi nin chang, tiin a hrila. Thuawina hi inngaithlawmna aƧanga hong om ve achang. Mi a dam naw chun doctor thu awia ân enkol ân ngai. Doctor thu awiloi chun, mi damloi chu a dam thei chuang no. Mi khatka chu malaria PF in a dam naw a, doctor chun malaria damdawi pe in a enkola, changrochu, damdawi fâk dân ding doctor ti dân a zawm naw a, damdawi chu doctor hmuloi chun puantha hnuiaia thup boi tiana, atawp achun a natna chu hong itamin a pung tâk leia chun idamdawi hmanin a sansuak chel tâk naw leiin a thi ta achang. Thuawiloina ra chu mangka chun achang Ƨhin.

**1. Lal Saula hnianga thupêk:** Saula hi Israelhei lal hmasak chem achang. Pathianin lal chang dinga hriak a chûl achang. Pathian thu homin a kalkhal no. Bible a ei hmu angkan Pathian hmêlma Amalekhhei va doia, vân thlawma, an ran nei zong zong nih mihriam naite

rihnu nêklâi ari zua loa that rît dingin thu a pêka. Pathianin a kalkhal naw a, a ƚangpu lei achun a ngam a, (1Samuel 15:3).

**2. Lal Saulan Pathian thu a awi no:** Lal Saul achun Pathian ƚangpuinain a râl doi chu a va ngam homin Pathianin a hnianga a ti dân chia chia ha pomloiin a ngaidâna ƚha a ti angkan sehratchal ƚha thâi, bera lâia a ƚha ƚha nih a thâi chi a lâka Pathian a pêk dingin an hong chawia. Mihriam tiang hom Amalekhhei lal Agag achu a damin a hong hmana. Changrochu Pathianin a hnianga thu a cha lâiin ama ngaidâna ƚha a ti thaw dingin thupêk a om no. an ran vul nih a mihriamhei ha that phiar thu a dong ahang leiin Saul achu Pathian thu awiloi a ruat ahang.

Puithiam Samuela hmangin Pathianin lal Saula hnianga a ti chu, “Ngaita, inthawina hnêkin thuawina hi a ƚha zawk, Berachal thâi hnêkin ƚong inngai hi a ƚha zawk ahang. LALPA thû ni hnial leiin, Ani homin lal chang dingin nang a pom ta no, (1Samuel 15:22-23). Pathian thu awiloi chu poi fe ahang.

**3. Thu chu ei awi ding ahang:** Darlonghei lâia Pathian thu an hong hril phut lâi chun kristian chang roi ti ahang naw a, thu awi roi ti hi ahang zawk. Darlonghei lâia kristian ƚongbâi hi thlâika hnunga hmang ahang. “Thu awihei” tia ikoi an chang. Darlongheiin thu an iawi hmasak chemhei chu, nin seng sawr pai roi, an tia, thu an awi leiin an pai. Zu In a ser zu in ta naw roi, an tia an awi in loiin an om. Inbawl ta naw roi, an tia, an awi, inbawllouiin an om. Thu an awi leiin kristian an chang thei ahang. Thu awi hi ƚong hrang hrangin ân hril thiam, “Inngai, intulût,” mangkachun thu awi hi thupêk a dong angka pher omloia pom hi thu awi omzia ahang, (1Korin 14:21, Tita 3:1). Pathian thu chun, Pathian thu hawia pom chu mi vârlung lian chung a In bawl. Pathian thu hawia zawmloi chu mi lungvârboi rinêng bali chung a In bawl ahang a ti, (Matt 7:24).

#### ZAWNA

1. *Pathian thu hawia zawmpu chu a irêka tekhin mo an chang?*
2. *Inthawina hnêkin Pathianin a dit zawkpu hi imo?*
3. *Adikpu tlang ro:*
  - a) *Israelhei lal hmasak chem chu:*
    - i. *Saul. (adik)*
    - ii. *David.*
  - b) *Lal Agag achu:*
    - i. *Amalekhei lal ahang. (adik)*
    - ii. *Moabhei lal ahang.*
  - c) *Darlonghei lâia kristian ƚongbâi hi*
    - i. *Ringtuhei.*
    - ii. *Thu awihei. (adik)*

#### ZIRLÂI 25-NA

#### MI DANG ƚANGPUI

#### Bible siar ding: Luka 10:30-37

**Thuvong:** Pathian nih Pa hmâa sâkhuana dik tak nih bolinhlawloi chu, Fahrâ nih nuhmeihei an tak lâia vêl nih khovêl tirdak kâiloi a mâni insia hi ahang. (Jakob 1:27)

Voika chu Sadhu Sunder Singh nih a champa hi Tibet rama Pathian thu hrilin an vâka. Lampui an kalna achun mi khatka hi a loi hlum raka, an zuk en sek sek chun a la thi naw, a la dam ti an hmua. Sadhu Sunder Singh chun ƚangpui chu a awia. A champa chun ei ƚangpuina lei zawkin lama ei rengka thi dingin om ei ti, a ti. Sadhu Sunder Singh achun a bâta a pua ta ahang. An kal an kal chun mi thi ruak inzam hi an tonga, loi thi riam tâk ahang. A hmêl an

en fel chun a champa khatka a loi chang. Ani chu mi tangpui awiloia kal aha achang. A puakpu ha chu a puapu pang lumin a hong dam. An inhni chun damin an zoka, mi tangpui awiloipu han rochu a thi hlen achang. Mi dang tangpui hi ei Lalpa nun achanga, mihriam dik tak nun achang.

**1. Mani chai inngaitua naw ro:** Darlong ulianhei chun, thiante hmakhua ngai law va siala huang huang, an ti. Mi dang ngaitua ta riai loaia mani chai inngaitua hi Bible chun mani inhmangai a tia. Nakana sualna la hong om ding lâia khatka achang ve (2Tim 3:1-2). Mangka mi ding thu lungkhamna nei riai loaia mani chai inlungkham thu hi Luka 10:30-37 Lal Isua tekhnin thu hril hi inngai bei fe nih zir ding tamka om achang.

Ma tekhnin thu hrila Isuan a demhei chu Puithiam nih Puithiam chi Levia achang. Pathian mi a inngai an chang chungin mi dang tangpuina lungril an nei ve no. samari mi Pathian neilo hnama ruatpu zawkin a tangpuiin a lunkham leiin Isuan ân pāk. Pathianin tha a ti nih inpāk tlāka a ruat chu mi dang lungkhamna nei hi achang. Pathianin nang ân pāk ve ni awi chun Samari mi tha angka mi dang tangpui ve inla inpāk hlaw ne ti. Pathian thu chun inzom rît ei chang, a ti, in tangpui rît thei ei chang a ti (Efesi 4:25).

**2. Lal Isuan anen zirtir:** Lal Isuan mi dang tangpui thu anen zirtirna achun mi inchong khatka a hrila. Mi inchongpa chun chatuan nun nei dân ding thu ân zawta, Lal Isua chun, “Kal inla ni nei zong zong zuar inla châihei va sem ro, rivana roi nei tam ne ti, chun hong inla ni hong zui ro, (Mk. 10:21). Lal Isua nun achun ama ân lungkhamna thu reng reng hmu ding a om no. mi danghei ding hlîr achang. Mi dang dingin rivana om rinenga a hong kala, mi dang ding denin krosa a thi. Mi dang lungkham sinthaw inla, nang hom lungkhamin om ne ti.

**3. Samari mi tha thu: Samari mi tha thua zir ding om chu mahei hi an chang:**

- a) Mi sualhei isoisak bit chu a hmuin a khongai êm êm.
- b) Mi sual soisakna tuarpu hnianga a va.
- c) A popna sabe chu sahriak a bua pui.
- d) A pophei chu a tuampui.
- e) A sa chuangna chung a ama chu ân chuang tir.
- f) Khualbuka enkol dingin a thlungpui.
- g) A enkolna sêng aman a tum pêk rît.

Lal Isua thu hril dân chun hnikahin a ti, “Miin nin chung a an thaw nin awi angka denin mi chung homa thaw roi.”

**ZAWNA:**

1. *Isuan inkata mo Puithiam Levia a dem?*
2. *Ni uhnunga sualna la om ding thu khatka ei izir aha ithu mo achang, hril ro?*
3. *Samari mi tha chanchin ha inzia ro?*
4. *Samari mi tha chanchin a tangin imo ei thaw ve ding?*

**ZIRLÂI 26-NA  
INVAW DING DÂN**

**Bible siar ding: 1Timothy 2:8-15**

**Thuvong:** Nin hmêl thatna chu, pûtiang invawna, ti chu, sam phiar, rangkachak inhlî mo puan tha sil mai changloiin. (1Peter 3:3)

Invaw hi khovêl hin a inchehui nih buaipui lâia khatka achang. Mihriam lungril inlawmtirpu hom khatka chu achang. Maleiachun, mi châi nih indum, misual nih mi tha ne huap rît thil achang leia kristianhei hom a hlei bîk chuang no. Mangka thilsiam siamsuakpuhei fashion

designerhei chun tangka lâk lûtna remchânga hmangin sumdongna ƣa taka an nei ve. Bible chun invaw dân chungchang ane hril hi, zir hoi ei ti.

**1. Invaw poimawna:** Invaw hi manmasi thil poimaw nei kha tia khatka achang. Mihriam siam hmasak chem Adam nih Evi ha chun invaw riai loiin an om. Suala an inlîr hnung chaia an satling chang ha an hawia an inzak. Pathianin Adam achu a koi lâi han, Adam, ten mo ni om? a ti han, kên zak, satling ki chang hi te tiin a thung. Theichâng hna an ƣhui khoma, Pathianin savun korfual a siam pêka (Gen 3:21). Invaw chu mihriam satling changna aƣanga a soal inhliapu achang. Mataka inthokin invaw inpiang suakin mihriam ân vaw naw chun a siampu Pathian hmualphoi dar nih a mihriampuihei lak homa mihriam hmualphoi dar achang.

**2. Invaw dân ding Bible nen zirtir dân:** invaw dân chungchang ahin Bible hi a dairiam ve chuang naw a, anen zirtir zawk. Bible ringhei chun Bible zirtir dân chu an pom ve ding inngai achang.

**a) Inthladaloi ding:** 1Tim 2:9 chun nupanghei hom thum inhoi takin, sam phiar kawi mo, rangkachak mo, lunglu mo, puan hmantam mo changloiin a tun lâi huna ni hawi tawkin inthum rise. Pathian biaka kalin inhoilo fe ka inthum hi inchingloi ding, uar luat vaika homa ahlei ahluap invawloi ding. Maleiachun, ân awm tawk nih ân hoi tawka inthum dinging anen zirtir.

**b) Thum inbel luat loi ding:** (1Tim 2:9) Mi ƣhenka chun theraw inƣhui dân hi an uar luata achik a chuang inbel tep tupin zêl chêk chuak kan an invaw ƣhin. Ringtuhei ding chun invaw en beiloi lampang achang. Mangka thawloi a ƣa, Bible phal bâk achang.

**c) Hman hlu luata invawloi ding:** Tun hun lâia khovêl chu tangka hmu a olsam tâk leia a hman ei chel phu a thum hman hlu inthum ding achang no. Rangkachak kutbun nih ritheia inthum uarloi hram ding achang.

**d) Ân hme tawka inthum ding:** Hnensen, tinsen, hmâi bua ti, mithmul dum, mangka thila invaw uar luat hi a ƣa no. sam rawng chi hrang hranga inthum luat hi a ƣa no. (1Tim 2:9-10)

**c) Sinƣha thaw a invaw ding:** (1Tim 2:10, 1Peter 3:3) Pathian thu in a dit dân chu thluk sapâia invaw changloi, sinƣha thaw nih nunchang ƣa mihriam inhawi tirpu zawk an chang. Nun innem, zaidam, idikhei hi Pathian thu chun thum tiin a hril.

**3. Inthum hi ane târlangpu achang:** Ei inthum dân hi ei sung tiang nun nih ei lungril put dân ân lang tir achang. Ei invaw dân enin mi dangin anni loi inkhi ve ƣhin ti hawi ding achang.

**a) Rithla nun:** Mihriam invaw dân zirin rithla lam tianga nun a târlang. Ân thum dânin a lêr luat chun rithla nuna ân hniam ti ân hawi thei.

**b) Lungril:** Mi lêr mo ni chang? Mani insutui mi mo ni chang? Mi taima mo? Ti hi invaw dân enin ân hawi thei. Maleiachun, invaw dân ƣa nih ân hoi dân ei inzir ding achang.

**c) Ni mi zia:** Invaw dân enin mihriam ni zia ân hawi thiam. Nupang ipa chung a hnuaminom inru awi, mi lem song, an inthum dânin a târlang. Tunlâi khovêl inthum dân chi hrang hrang mihriam a uar fe na hmun homa kristianhei inthum dân ding chu a loi om tir.

#### ZAWNA

1. Bible chu invaw dân a hril ha I imo an chang?
2. Invaw hin imo a târlang?
3. Adikpu tlang ro:
  - a) Pathian thu in invaw hi a dit dân chu:
    - i. Theraw ƣa nih ihlu a invaw.
    - ii. Sinƣha thawa nunchanga invaw. (adik)
  - b) Ei inthum dân hin:
    - i. Ei sungtiang nun nih lungril a târlang. (adik)
    - ii. Ithom a târlang chuang no.

- c) *Invaw dân tha hi:*
- i. *Ei zir ding achang. (adik)*
  - ii. *Zir ding chuang achang no.*

## **ZIRLAI 27-NA DU-AMNA**

### **Bible siar ding: Efesi 5:3-5, Kolosa 3:5-7**

**Thuvong:** Mîin khovêl pumpui hi nei hom siala, ama chem a boirala achangnawlemo a chân inte, ama dingin imo ân hlawk? (Luka 9:25)

Mi ðen tamka chun du-âm hi imo chang? Ihin mo du-âm ti ei ti? an ti ðin. Mi du-âm hawi thiamna dingin Russia rama lekhabu inzia thiam Leo Tolstoy lekhabu inziana achun hinkahin ân zia, Pakhoma mi du-âm fe a oma, voika chu nika sunga a kal chelna hual sungka phot ram chu a ta chang thei ding thupêk a donga. Nî suak aţangin a kalsuaka, ramlan nei tumin inthlawi pum hialin ram chu a huala, thupêk insuapu lal In a hong tlung chun, a sawl luatin a  ong thiam tâk naw a, a kalna ram hual sung hom hril thiam ta loi chun a thi nghâla. A thlân dinga a khur an ichawi chu feet 6 nih feet 4 chai achang ti hawi thiam achang. Darlonghei chun fata luata lei ei a, an ti. Du-âma châna, an ti ðin.

**1. Du-âm hi imo achang:** Bible châng ei siar chun du-âm chu milêm biak tiin a hrila, milêm biakhei lungril nih mi du-âmhei lungril chu ân hmun. Milêm biakpu lungril achun a milêm biak chai ha a hmu a, Pathian a hmu thiam ðin no. mi du-âm homn a lungrila a thil ditna chun a ngaituana a sip liam lei achun Pathian a hmu thiam ðin no.

### **2. Du-âmna chi inhnika:**

**a) Tangka suma du-âmna:** Mihriamin khovêl ei hmang dânna hin tangka hi ei sia insâng êm êma. Tangka  ang sa loi chun thil inthaw thei omin ei inngai ðin no. changrochu, tangka sinthawtheina hneka Pathian thu sinthawtheina hi a roiinpui zawk. Bible chun Pathian nih tangka rong nin bawl kop thiam no, a ti (Matt 6:24). Tangka indi mi chun, Lalpa rong a bawl tak tak thiam no.

Pathian thu chun, “Tangka sum ngaina hi soal tin bul achang, a ti. mi ðenkan ma chu an zuka, ringna chu an kalkhala, anmani nih anmaniin lungngaina tamka an insiam suak (1Tim 6:10).

**b) Pathian nih khovêl indi kop:** Mi ðen tamka chun khovêl thil hi an dit êm êma, ama rual rual chun Pathian thu hom hi an indi sa ve. Maleiachun, ân hni hnia nei kop hi ðen chun an tum ðin. Changrochu, mi khatkan lal inhnika rong ân bawl kop thiam naw angka han, tangka sum nih Pathian thu rong ân bawl kop thiam naw leiin, ân hni hniin ân chân zawk ðin. Pathian lekhabu chun, “Khovêl hi hmangai naw roi,” (1Johan 2:15). Pathian ni hmangai chun tangka sum inditna neiloï ding. Khovêl thil ne dit chu Pathian thu chu indiloï ding. Ân hnia nei kop thei achang no

2. Du-âmna ra:

**a) Itsikna:** Du-âmin a sua chu itsikna achang. Mi dangin an ichang ve chung a inthîkin an om ðina. Mi dangin chang ve siala, tina lungril reng reng an nei ðin no.

**b) Mani hmasialna:** Mi du-âm lungril chu thlâi tawk a nei naw leiin thil ipai chung a mani chai ân hawi ðin.

**c) Soalna:** Du-âmin a sua chu soal ân piang suak tir, an du-âmna leiin mi tamka soal inhruaiin an om ðin (1Tim 6:10).

**d) Pathian ningthikna:** Du-âmna chun Pathian ning ân thik tir ðin (Kol 3:6).

ZAWNA

1. *Bible in sual ipai bul a ti ha imo chang?*
2. *Du-âmna chi inhnika ha imo an chang?*
3. *A awl insip ro:*
  - a) *Miin îîîîîîîîîî hi a pumin nei hom siala, ama chem a îîîîîîîîîî inte a dingin imo ân hlawk! (a thungna: khovêl, boiral)*
4. *Adikpu tlang ro:*
  - a) *Milêm biakpu chun:*
    - i. *Milêm chai a hmu. (adik)*
    - ii. *Pathian a hmu.*
  - b) *Sinthawtheina roiinpui zawk chu:*
    - i. *Tangka sinthawtheina.*
    - ii. *Pathian sinthawtheina. (adik)*

## ZIRLÂI 28-NA TÂIMÂKNA

### Bible siar ding: 2Thess 3:6-12

**Thuvong:** Nin hnianga kin omlâi renga ma thû hi nangni kin ipêk achang. Mî sin a thaw naw chun, fâ hom a fâkloi ding achang. (2Thess 3:10)

England rama Prime Minister hom loi chang tâk Pi, Margaret Thatcher ha schoola a zir lâiin thaw tha lawmhman roiinpui vaika a donga, “ Mi dang Pathian malsawmna ni dong achang hi,” an ti. Ani chun achang hrim, changrochu mangka lawmhman dong ding khopin ki sawlin ke taima hrim, a ti, an ti. Tâimakna hi ei nuna ei seng lût ve ding achang.

**1. Tâima omzia:** Taima hrilfiana chu “sinpei” sin hnawngloi hi achang. A hmakunga thaw ding om a phot khêk loa thaw zoi. Tâima chu sin hrat, sin inpei rêka inzom achang.

### 2. Tâimakna dinghei:

**a) Taksa thila taima:** Khovêla sualna a lût ațangin taimakna hmanga ne in fa dinga om achang ta. Bible thuvâr chun, “Mihriam sum hlu chem chu taima hi achang,” a ti (Thufing 12:27). Mi hrat nih mi tâimahei ding chun khovêla hin inrianga om ân thiam no. tunlâi țhangthar chu lekha zir inpeilo, sin thaw dang inpeilo nawn ei chang ta. Maleiachun, khovêl hi a thlaksam achang. Ihman thaw suak vu neiloia, mi tâimâk ine ifa, a tui indu zawk an tam leia hin achang.

**b) Rithla lama tâimakna:** Tirkoi Peter achun, ” Unâihe, koi nih inthlang nin changna chu inchiang dingin thei tawp sua roi. Machu nin thaw chun tiklâihomin ibâ naw tunu,” (2Peter 1:10). Rithla tianga taima hi ei hawi, inkhawm peilo, țongintai peilo, Bible siar peilo, hla zir peilo hi rithla tianga inthlana lam achang. Rithla lama hrat hi a poimaw, hratlaina hmangin mi tamka an inlîr. Paul achun, “Pathian dam chungna kin innghata, ama chu mî kapai sandampu, a bîkin a ringpuhei dingin,” a ti (1Tim 4:10).

**3. Tâimâkna ra:** Tâimâkna hin ra indit om a sua țhin leiin, ipai chungna tâimâk ei sua hrâm hrâm ding achang.

**a) Hlawtlingna:** Mi tâima chu sinhawna tin renga hlawtlingna a hmu hrim hrim țhin. Mi duai chu a sinhawna tina hlawsamin a om țhin. Mahi taksa lam thil nih rithla lam thila ding homa thil dik, inkhel theilo achang. Lekha zirna lam homa zir pei (inpei) pu chun hlawtlingna a hmu lê lê țhin.

**b) Malsawm dongna achang:** Pathianin mi duai malsawmna ân dong khât êm êm țhin. Mi duai malsawmna dong ti hi a om homin thil imo chang chungna tâimâkna mo, țhat vena mo an loi neina a loi om țhin. Pathian thu homa tâimâkna a țul ve.

**c) Mi danghei ding homa malsawmna achang:** Mi tâima sinthaw chun mi dang tamka ding homa malsawm dongna achang.

**d) Duai Pathianin ân hua:** Duai hi Pathianin ân hua, Bible thuvâr lekhabu chun, “Aw nang duai, Singhir hnianga kal inla, a sin dânhei sût inla vâ ro,” (Thuvâr 6:6). Sinthaw inpeiloipu chu fa hom fa naw rise (2Thess 3:10). Maleiachun, tâimâk ihrat hi Pathian ringpuhei om dân, an nun achang.

#### ZAWNA

1. *Mihriam sum hlu chem ha imo achang?*
2. *Singhir thaw dân zir dinga a phût ha tumo?*
3. *Tâima omzia ha hril ro?*
4. *Tâimâkna ra inhnika inzia ro?*
5. *Adikpu tlang ro:*
  - a) *Taimakna hi:*
    - i. *Taksa thila ei taimak ding.*
    - ii. *Rithla nih taksa thila ei taimak ding. (adik)*

#### ZIRLÂI 29-NA OMBEI INCHÊK

##### **Bible siar ding: Thuhirilpu 2:1-11**

**Thuvong:** Innuina hi, “Intlaw achang” ki tia, chun hlimna hi “Imo a hmangna ding?” kê ti.

Khovêla rihming inthang hlasak thiam Madonna hi nin hawi ta ðhin mo? Ma nupangin a ti chu, “Ombei ki hong ichêk tâk zong zong ahin hlimpui tham khop khatka hom a om no,” a ti. Khovêla hin imo bei chem dinga nin icring? Vawn hin ombei inchêk thu ei zirna dinga hin thungna hmu dinga inbuatsai ding achang.

1. Ombei inchêkna ding izongpu, Solomona, Israel lal, khovêla lal vâ chem chun ombei inchêk ding zongin hlimna tak tak hmu a awia, a bei dinga ringin ma thilhei hi a thaw an chang.

a) Uain (zu) ina intihlim tumin nansa vaikan a in.

b) Nansa vaikan sin a thaw.

c) In ðha nih rihuan, ram in chang rihal hmunbei a siam.

d) Siahlaw ipa nih nupang tamka a nei.

e) Sehrat nih bera rual tamka a vul.

f) Tangka nih sum tamka a khawl.

g) Ipa hla sak thiam nih nupang hla sak thiam a siam.

h) Nupui kêp tamka a nei.

i) A mitin a hmu phâk chu a hla naw (a nei lian) tunlâi ðong hmangin sex (nupang nih ipa inpawlna).

Tangka sum, music, zu, sa hei sin sawl khop, intihlimna, mangka tia ân hmang rît hnung homin hlimna ihom a hmu ho.

**2. Ombei inchêkna a Solomon achun ithil mo a hmu:** Solomona thu ei hong zir tâk angka kong chi hrang hrangin ombei zongin ân hmanga. Maka ti achun hlimna nih lawmna ihom a hmu no. a thil hmusuak chu, “Thil ikapai hi takboi nih thil thlong ihmanloi achang,” (Thuhirilpu 2:11). Keiniin atun aria ombei inchêk tuma lân hmang vehei hi a loi chang tâkheiin takboi an loi iti tâk hmun hlak achang. Setana lemna mai mai achang zawk.

**3. Mihriam dinga thaw ding dik chu imo achang:** Ombei inchêk ahin mi tuhomin hlimna nih lawmna an hmu tak tak no. hun tawika dinga hlim mai achang. “Ombei inchêkin tawpna a

nei chu beidongna, lungngaina achang zawk. Mosia ha awi siala chun Faroa nainu naipa a a om ding. Changrochu, hun tawika te soal hlimpui hnek chun Pathian mihei rêka soisakna ituar ân thlang zawk, (Heb 11:25). Mihriam dinga thaw ding dik tak chem chu, Pathian òia a thupêk zom hi achang (Thuhirilpu 12:13). Machu Solomona ihmusuak achang.

Nang hom khovêl thil inzukin ombei inchêk hi ne awi mai thei. Thil òa achang no. Mi tamka loi chêk tâk hnung hlawtling tuhman an om naw a, lungawi chel hom tuhman an om no. ei nun nih ei hun huna Pathian dinga inhmang nih a rong ibawl hi mihriamhei hlimna nih lawmna chem achang.

#### ZAWNA

1. *Ombei kapai inchêk rita ombei hmuloi Israelhei lal ha tumo achang?*
2. *Solomona ombei a chêkna a ithil mo a ihmusuak ha?*
3. *Ombei inchêk tawpna imo achang?*

### ZIRLÂI 30-NA

#### PATHIAN NGAISAK DINGA INSAWI ZOI

##### **Bible siar ding: 1Timothy 4:6-11**

**Thuvong:** Taksa thila insawizoina chun hlawkna a siam hroia, Pathian ngaisakna rochu thil ikapai dingin a òangkâi. Machun atuna ni nunna nih a la hong om ding nunna chun thutiam chu a nei. (1Tim 4:8)

Sipai ramsa dinga inpehei chun nintin, tûktin taksa an insawi zoi òhin. Insawi zoina achun thuawitheina, hriselna, insumtheina, hun vong òhat a òang sa thiama. Tlâng chungna thingkung òi chu ruatui nih thliin a sawi zoi òhin leiin an chang bîkin a hrisel bîk. Thil ipai a hmang dingin a hmang thlak bîk òhin. Phâia thingkung òi chu thliin a sawi inzong òhin ve no leiin ân nê, a khir ve no. Kristian nun hi mangka chu achang ve. Insawi zoi nun kristian chu a khir bîkin a thloi ve bîk òhin.

##### **1. Insawi zoi dinghei chu:**

**a) Inkhawm ding achang:** Kristian nuna insawina ding khatka inkhawm hi achang. Koihranin Pathian biakna hun a nei achang leiin awina neia nen khawm ding, ni awi naw a nen khawmloi ding achang no, awiloi pum pum homa nen khawm ding achang. Sipaihei a chângna insawi zoi an awi naw leiin sawi zoiloi ding achang ve naw angkan kristian nun chu achang ding (Heb 10:25).

**b) Tòngintai:** Ringtu insawi zoina nei ding chu tòngintai achang. Rithla a ei om theina dingin, thlêmna a ei inlîr loina dingin, سوالنا laka ei him theina dingin, Lal Isuan, thlêmna a nin lût loina dingin tòngintai roi, a ti (Lk 22:45). Tirkoi Paul achun mongloiin tòngintai roi, a ti (Efesi 6:18).

**c) Bible siar:** Ringtu chun nintin Bible a siar ding achang. Pathian thu hi ei rithla chawmpu òa tak achang. Hratna ei hmu theina achang.

**d) Bei hram hramna:** (Inbei hram hramna) Thil ipaia hlawtlingna hmu hma chun beisei intawpa beidonga om hun hi a om òhin. Ringtu rithla nuna kal hom hi beiseina boia beidongna châng a om ve òhin. Changrochu, inbei hram hram ding achang. Tirkoi Paulan, Pathian dam kin ring leiin kin thaw tama kin inbei hram hram achang a ti, (1Tim 4:10).

**e) Koihran sinthawa innok tam:** Koihran sinthawna tinrenga inpe tam a òa. Sinthawna inthla dana a om chun thil dang hom inthla dana a om ve òhin. Kachun rithla lam a hrisel òhin.

2. Insawi zoi òangkâina:

**a) Hriselna ane pe:** Taksa tianga insawi zoihei hi taksa lam hriselna an nei angkan, Pathian ngaisak dinga insawi zoina chun rithla lam nih taksa lam hriselna ane pe, (1Tim 4:8), Paul achun kong tinreng dingin a òangkâi a ti.

**b) Hratna ane pe:** Pathian ngaisak dinga insawi zoi inpeia, inkhawm kâi pei, tongintai inpei, thilpêk inpêkna, thu dang dang homa inpeihei chun sual ngamtheina an nei, ân peiloieihei ding chun rang vaika insual thiam achang.

**c) Mani inthunun theina a pe:** Tirkoi Paul achun, ki taksa hi ki sawi zoia, ki thu hnuaia ke sia thin. Kachun mi dang hnianga changchin tha ki hril hnungin, keima zawk hi thling loia ki om loina ding, a ti (1Korin 9:27). Mangka mani in control hei ding chun an kristian nun an vong thianginhlim theiin an hrat mai thei thin.

#### ZAWNA

1. *Ringtu nun insawi zoina ding kong ringaka hril ro?*
2. *Thlêmna a ei lût loina dingin imo thaw ding?*
3. *Insawi zoi tangkâina inthumka inzia ro?*

## APPEDIX - 1 PALM SUNDAY

### Chawimawi tlâk Isua

#### Bible siar ding: Mark 11:1-10

**Thuvong:** Ani rochun an hnianga, “Nangni loi hril rong, mahei hi an dairiam chun, lunghei hi awng suak thai an ti,” tiin anni chu a thunga. (Lk 19:40)

Abraham Lincoln achu mi سوالين an kâp that lâi han mipuiin nansa vaikan an chawimawi. Mangka khopa mipuihei chawimawi a hlawna san chu America rama President achang lei mai changloiin, bawi changna intawpa, bawia tanghei zong zong insuapu achang lei achang. Pathian naipa Isua mania nansa vaika mipuihei chawimawina a hlaw hi Pathian naipa achang, sual bawia tang misualhei, bawi changna intawpa sual bawi atanga insuapu achang lei achang. Maleiachun, vawn hin Isua chawimawi tlâk changna kong chi hrang hrang zir ei ti.

#### 1. Isua chawimawi tlâk achangna:

**a) Pathian achang:** Lal Isua hi mihriam hong chang hman siala, Pathian changna famkim nei achang. Pathian thu chun, “Ama hi thil ipai siampu nih eimani ne siampu, ama ta dinga ipai siampu chu achang,” (Kolosa 1:16). A tuar thiam zia nih ân ngaitlawm theina hi ei ngaihluata Pathian dik tak achangna hi ei hmu thial thin. Lal Isua hi Pathian achang, thil ipai nih eini ne siampu achang. Maleiachun, chawimawi tlâk achang.

**b) Isua chu Lal achang:** Tirkoi Paul achun Isua hi Lal achang ti ân puanga rineng nih rivanin Isua lal changna hi an lân puang ding thu a hril sa, (Philip 2:9-11). Apostol Petera homin Penticost homa mipuihei hnianga, “Isua nin ikhêngbeta ngei ha Pathianin Lal nih Krista chang fawmin a siam ta,” a ti, ti hi Israel hnamtin hawi rise tiin ân puang (Tirkoi 2:36).

**c) Isua chu Sandampu achang:** Isua chawimawina dong tlâk achangna chu misual boiral, sual bawia intâng ne sansuakpu achang leia chawimawi tlâk achang.

**d) Isua chu ane hmangaipu achang:** Isua hi ane hmangaipu achang. Ani hmangaina leia rivan hmun bei hong ma khala khovêl سوالنا hmun misualhei angkan hong tuar ve, hong inriang ve, lungngaia hong om. misual tuar ding aia hong tuara hong thi achang. Maleiachun, chawimawi tlâk achang.

**e) Ei aia tuarpu Isua achang:** Isua khovêla a hong tuarna ding سوالنا ihom a nei naw, a tuarna nih a thina hi mihriamhei tuar ding ai nih thi ding aia hong inpe achang. Pathian chun mifel thi a phal naw a, misual rochu thi dinga ruat achang. Isua hin misual aiaw naw sia chu Pathianin a thi a phalloi ding achang. Maleiachun, chawimawi tlâk achang.

**f) Isua hi ane tangpuipu achang:** Ei dinga ringom chem chu Isua achang. Ani chu ei lungriang lâi nih rithla vai lâia ne tangpuipu achang. Tuarna lei nih rithla vai lâia ne tangpui dinga ne nghâk mai pu achang. Maleiachun, chawimawi tlâk achang.

**g) Isua chu beiseina ne siam pêkpu achang:** Pathian laka mihriamin beisei ding reng reng ei nei naw hnungin Isuan a thina nih a thoinawkna chun beiseina dam ei hong nei nawk (1Peter 1:3).

ZAWNA

1. *Isua chawimawi tlâk achangna thupui ringaka inzia ro?*
2. *Abraham Lincoln mipuihei chawimawina nih an sin an san ha imo achang, hril ro?*

## APPENDIX - 2 EASTER SUNDAY

### Thoinawkna

#### Bible siar ding: Luka 24:1-12

**Thuvong:** I thî thoinawkna hom mangkadên chu achang. Taksa ÷uai thei chu tûin a oma, ÷uai theiloia inthoiiin a om. (1Korin 15:42)

Kristianhei danginlamna lian chem chu Isua thia thoinawk, thi nawk ta loi ding ringtu an chang lei hi achang. Sakhua dang zong zong hin thina ngama thoinawk thi nawk ta loi ding ring ding an nei ve no.

**1. Thoinawkna hi om le a ti:** Mi thi thoinawkna hi om le a ti, ti hi, ma thuhei lei ahin inhawi thiam achang.

**a) Lal Isua Krista taksa ngeiin a thoinawk:** Lal Isua krosa khêngbet achang homin thlâna inthokin nî inthum nî chun a thoinawk (Lk 24:6, Mk 16:6, Mt 26:7). Lal Isua taksa ngeia a thoinawk hi Pathian thu chun, “thoinawkna hma in hruaipu,” tiin a hril (1Korin 15:23), Isua hi taksa ngeiin a thoinawk leia hin eini ama ringa a hnung zuipuhei homin taksa ngeiin ei thoinawk ding achang.

**b) Thuthlung Hluîin thoinawkna thu hi a hnemnghet:** Job achun, Anen tlanpu hi a dam ti ke hawi, ki vun hi insiat achang hnung homin ki taksain Pathian la hmu ke ti, a ti, (Job 19:25-26). Ma Bible châng dangahei hom hin thoinawkna thu hi ei hmu (Sam 16:9-11, 17:15, Daneil 12:2).

**c) Lal Isua thu intiam achang:** Lal Isua chun, “Keima hi thoinawkna nih damna ke chang, a ti (Johan 11:25). Ama ngei a mihei inlamin la hong a ti. mabakhoma Isuan thoinawk thu a hrilna tamka a la om. maleiachun, thoinawkna thu hi ringhlel thei achang no.

**d) Paulan thoinawkna thu ân zirtir:** Tirkoi Paul achun, thoinawkna om ding thu hi Chiang tawk fe in a hril, mi thi thoinawk hrim hrim hi om ding naw siala chu Krista hom kai thoiin om loi ding, a ti hial (1Korin 15:13). Ringtuhei ei inthlamuangna ding a tia, thoinawk nî hi thurûk ti thu homin a hril sa. Achang chun ma ÷uai thei hin ÷uai theilo chu lua a ti, ma thi thei hi, thi theiloiiin hup a ti, a ti sa dena. Maleiachun, thoinawkna thu hi Bible hin a hril Chiang fe leia hin ringhlel thei achang no.

**2. Thoinawkna taksa: Thoinawkna taksa omzia nin hawi Chiang theina dingin atun Bible aţangin thoinawkna taksa om dân ding zir ei ti.**

**a) Rinenga ei taksa hmêl puana nei ei ti:** Thoinawkna taksa hin ei rineng taksa hmêl puana nei a tia, hawi thiamna a nei dân, nêkfâk fâkna lam tiang ipai inang rîtin om a ti. rinenga ei hmêl hawihei hom la hawi rît ei ti. machu Isua thoinawkna taksa om dân aţanga zir thei nih ring thiamin a om, (Johan 20:16).

**b) Thilthawtheina nei a ti:** Lal Isua thoinawkna taksain thilthawtheina roiinpui a nei ti ei hmu angkan, ama ringtuhei thoinawkna taksa homin thilthawtheina om a ti, ti ei ring ngam.

**c) Thi nawk ta naw ni:** Thoinawk taksa chu thi nawk ta naw ni. Asanchu thina ngama thoi achang leiin, thina chun a chungu thu nei ta naw ni, (1Korin 15:53).

**d) Rithla lam taksa:** Ma rineng taksa hi chu mihriam taksa Adama taksa ha a la chang. Thoinawkna taksa rochu rithla lam taksa, roiinpui nih famkima ompu ding achu achang, (1Korin 15:44).

#### ZAWNA

1. *Thoinawkna taksa om dân ding hril ro?*
2. *Pathian thu in Isua thoinawkna hi imo achang a ti?*
3. *Thoinawkna a ringom theina imo?*

### APPENDIX - 3 PENTICOST NÎ

#### Jerusalem harna

#### **Bible siar ding: Tirkoiei sinthaw 2:1-4**

**Thuvong:** Pathianin ani chu thina hreom ațangin a sua a, ân thoi. Asanchu thnain ani chu a khap tâng chel ta no. (Tirkoiei sinthaw 2:24)

Rithla Inthiang harna ichang hi ringtu nuna poimaw hmasak chem achang. Zirtirheichanchin ța hrila fe dinga itir an chang leia, Rithla Inthianga inthuan tûl an chang. Ma hun hong tung ding chun ƣongințaina lungril inruai vaika an loi nghâk dinga Lal Isua icha hrim achang. An loi nghâk angka takin Jerusalem Jerusalema Penticost Kût hmang lâi takin ma Rithla Inthiang chu a hong tunga, tirkoiei lâi achun nun danglam nih inmak chu an nei. Machu khovêla Rithla Inthiang harna tung hmasak chem achang. Penticost Kût hmang hun lâi mata hong tung achang leia ma hun chu Penticost ti thai achang.

Vawn hin ma nî chu achang. Harna nin chang ve theina dingin a thu nin ngai ƣat ding achang.

**1. Harna hong tung kum:** Kum rizabu khatkana Judahhei thla rep dânin sivan thla nî 6 Penticost Kût lâi tak achang. Atun lâia ei thla rep dân chun Penticost Kût hi May thla tawp nawle June thla bul hi achang ƣhin. Judahheiin Kalhlen Kût an hmang nîa itinin a nî sawm ringana (50) hin Penticost Kût hi an hmang ƣhin (Tirkoiei sinthaw 2:1).

**2. A hong tung dân:** Lal Isua rivana a kalkhal hma a zirtirhei hnianga thu a mâk dânin, “Jerusalem hi kalkhal naw roi. Pa thu intiam nangni ki hril ha loi nghâk mai roi,” a ti ha. Zirtir sawmlei inhnika chu Jerusalema hmunkan an omkhawma, lunginruai vaika ƣhahnem insuaa an ƣongințai lâia hong tung (Tirkoiei sinthaw 1:14). Voikathutin rivan ațangin thaivua na inthli angkan a rît thuta, machun an omna In chu a sip rîta. Lei hmor te insem darin mei angkan an hnianga ân lâra, an dina chung achun a fu ta ƣianga. Rithla Inthiang chun an sip ta rîta. Rithlain ân ƣong tir angkan ƣong dangin an ƣong ta a, inmak vaika chun an om.

**3. Harna thupui:** Ma harnain a thaw chem chu Isua an ikhêngbet aha Lal nih Sandampu (Messia) achang zia thu nih ani chu thina chu ingama ithoinawk achang thu ringtuhei chun an inpuang (Tirkoiei sinthaw 2:24 & 36).

**a) Rithlain ân ƣong tir dân dingin an ƣong:** Hnam hrang hrang an chang homin an ƣong an inhawi pak.

**b) A phul nansa:** Zu inhâi om dân angka maiin an om, a hawi chelloihei chun zu inhâi an chang an ti.

**c) Thil inmak an thaw:** Rithla Inthiang ichang zirtirhei chun thil inmak tak tak an thaw.

**d) Panlakhnain an sip:** A hmaa thâindawr vai thînhei han mi dang hawi phâkloi khopin an panlak.

**e) Isua an tan:** An sinthaw chem chu Isua chanchin hril ahang. Lal ahangna thu, Krista ahang zia thu, Sandamtu ahang thu, Thina ngama a thoinawk thu, mongloia hril an awi.

**f) Koihran ân thlawr:** Ma harna hong tung chun ringtu koihran nih khatlâng ân thlawr chel ahang.

**g) Ringtu an pung:** Rithla Inthiang harna hong tung chun Krista hnianga mi tamka ân hruai lût. Ringtu an pung nansata nika sunga mi sang inthum kâi homa an inbawk tik a om (Tirkoi 2:41)

**h) Chanchin Tha ân dar:** Ringtuhei chun chanchin tha chu an inthokpui pha lei achun hril loa om ân thei no. Kin ihmu nih kin ihawi chu hrilloiin kin om thei no, an ti.

**i) Koihran an inpumkhat:** Koihran an inpumkhat thât êm êm lei achun nêkfâk ariin an inṭawm. Mi dang ihuphurin an om. an lâia innok awi om êm êm khopin an om (Tirkoi 4:32).

#### ZAWNA

1. *Jerusalema harna a hong tung ha mi izaka omkhawm lâia hong tung mo?*
2. *Zirtirhei lâia harna hong tung han I imo ra a sua?*
3. *Nika tia mi izakan mo koihran ân belsap chang om ha?*

#### APPENDIX - 4

#### SUNDAY SCHOOL NĪ

##### **Bible siar ding: Sâm 119:97-104**

**Thuvong:** Inkan mo tlangvâlin a omdân inthiang tir ati? Ni thû angka angka zawma omin ahang. (Sâm 119:9)

Pathianin koihran ani loi phunna san hi tamka hril ding nih hawi ding a om. khovêl Sunday School NĪ ahang leia vawna ding chun Sunday School poimawna thu inthung an ngai leia, Pathianin koihran ani loi phunana san lian chem chu a thu hawipu chang dingin, a thu awipu chang dingin, a thu zira inngaithla dingin, a thu hril darpuipu chang dingin. koihran ani phun ei chang. Lal Isua chun a hnianga insei dingin ane koi, Matt 11:29.

Isua hi Zirtirtu tia koi ahang. Bible ahin Isua Zirtirtu tia koi a hlaw hi voi sawm inlihei ringaka (45) a kâi. Nintin a hnianga oma a hnung zui thina, a thu hril inngaithla a, a nun zir thînpuhei chu Zirtir tia koi an chang. Bible ahin Zirtir tia koina hi voi riza inhniklei sawm inhnika (220) hmu ahang.

**1. Sunday School poimawna thu:** Sunday School thua zawna om thei.

- a) Sunday School zir hi idingin mo koihranin a ngai poimaw?
- b) Sunday School khera Pathian thu zir hi imo a thâtna bĭk?
- c) Koihran achik alian rengka zir kherloiin koihran hruaitu Upaheiin an zir inte ân tawk mai naw mo?

**2. Zawna thungna:**

- a) Sunday School hi koihran mitin sum nih puan sêng omloia Pathian thu an zir theina hmun ahang leia koihran mi tupaiin Pathian thu a zawm thiamna dingin zawmpu ding thu chu hawi le siala a awi. Zawm ding thu hawi hmasakloi chun thu zawm a om thei no.
- b) Thu ipai zir dingin hun bĭk a tûl, hmun bĭk a tûl. Sunday School chu koihranin Pathian thu zirna dinga hun bĭk a ruat, hmun bĭk a ruat ahang.
- c) Koihran mi zong zong hi Pathian thu hawia, Isua hi Sandampu nih Lalpa a pom pak dinga Pathian koina dong an chang leia achik alianin Pathian hawi pak siala a awi, (1Tim 2:4). Sunday School zirna aṭangin mitin hi Pathian thua piangtharna dong pak siala a awi.

**Sunday School inpiang hun:** Khovêla Sunday School loi inpiang tir Robert Raikes, England mi thiam achang. A ðan hun, 1780 July thla achang. Robert Raikes a Sunday School rongbawlna chu hun tawika sungin ram pumpuia a hmun tamka tia nei achange, nasa vaikan hma a sawn leia chun Robert Raikes a thi ariin mihriam maktaduai 127 in Sunday School an kâi hman.

**Khovêl Sunday School nî inpiang dân:** ISSU Library Coonor aþanga record hmu dânin World Wide Sunday School Day chu 22<sup>nd</sup> May 1910 a hmang phut achang. World Wide Sunday School Day ti a hun hmang dinga mawphurtu chu Dr. George W. Bailey achang.

**An hmangna hmun:** Washington khopuia hmang achang. An hmang dân chu khovêl pumpui huapin Bible ðong rizaka inlet, Bible chi hrang hrang maktaduai izakamo zet an sem suak.

**Dr. George W. Bailey Sunday School rongbawl chanchin tawika te in:** Dr. George W. Bailey hi kum 1841, USA New Jersey State a Pauls Bora kua a piang achang. Ama hi Sunday School rongbawlna bîk dinga Pathian koina dong ve achang. Pathian koina a dong hnungin USA New Jersey State a Sunday School Associationa kum 27 hruaitu achang. Kum 1892 in Sunday School International Executive Committee Membera a ðang. 1893-1907 Sunday School International Treasurer achang.

Kum 1904-1910 World Sunday School Association Executive Chairman achang. Executive Committee Chairman achang sungin 1907 kumin Rome khopuia Sunday School inkhawmpui nei achang. Ma inkhawmpui achun World Sunday School Day hmang thua thu rawt a siama, ma thu chu inkhawmpui chun inbaw zui dinga minute siam achang lei achun ngaitua ðatna an nei zui tir lei achun 22<sup>nd</sup> May 1910, khovêl Sunday School Day chu Washington inkhawmpuia hmang ðan achang.

1.